

JEHOFA-JIREH ²

 Ke a go leboga, Ngwanešu Roy. A re feleng re eme feela nakwana ge re rapela. Re inamiša dihlogo tša rena, ge le rata. Gomme a re nong go nagana bjale ge fao go le eng kapa eng ka pelong ya gago se o ka kganyogago Modimo go go araba ka sona, bosegong bjo, kgopelo tsoko, e no e dira e tsebje ge o phagamiša seatla sa gago, le go re, “Ke ne kgopelo pele ga Modimo.” Bjale a re inamišeng dihlogo tša rena ge re rapela.

² Tate wa rena wa Legodimong, re tšea wo go ba monyetla wo mogolo kudu, go tla go Wena; re tseba se, gore ge re etla Leineng la Morena Jesu, re tshepišitšwe gore re tla amogela se re se kgopelago. Bjale ga re tle go Terone ya Kahlolo. Ka kgonthe re ka se nyake go tla fale, goba go Terone ya Toka. Eupša re...ke go tla go Terone ya Kgaogelo, moo re—re nago le kgonthe go ba le dikgopelo tša rena di filwe. Ka gore, re ka se kgone go emela kahlolo ya Gago, ebile re ka se kgone go phela ka toka ya Gago, eupša kgaogelo ya Gago ke ye re e kgopelago. Re swarele gona, Morena, go dibe tša rena. Re a rapela gore O tla fa seo, le gore O tla ba le rena bosegong bjo, wa araba kgopelo ye nngwe le ye nngwe yeo diatla tsela di e emetšego ge di phagamišeditšwe godimo. O tseba se se bego se le ka tlase ga seatla, ka pelong. Gomme, Modimo, ga go pelaelo e be e le bakeng sa bolwetši, le pholosho, le baratwa. Re a rapela bosegong bjo, Tate, ka go ikgetha bakeng sa bao, gore O tla fa dikgopelo tša bona.

³ Bjale re be re bolela godimo ga mohlanka wa Gago wa go botega, Abraham, re tšwelapele ka yena bosegong bjo, leetong la gagwe. Re a rapela gore O tla re šegofatša ge re eya go theoga go bapa le tsela ya mengwaga ye makgolo a mantši ya go feta, ka mohlanka wa go botega yo a dumetšego Lentšu la Gago. A nke e be mohlala, bjalo ka ge Paulo a boletše ka go Bahebere, ka se Abraham a bilego, mohlala. Gomme re a rapela gore yena, tumelo ye a bilego le yona, e tla utollwa go rena bosegong bjo; go dumela Lentšu la Modimo, le go se Le belaele, Lentšu le tee la Lona, eupša go Le dumela lohle, le go dumela se sengwe le se sengwe seo A se boletšego. Gomme a nke re kgone go swarelela go tšona ditshepišo tše A re diretšego, le go ba bana ba Abraham ka go beng ka go Kriste. Re e kgopela Leineng la Jesu. Amene.

Dulang.

⁴ Ngwanešu Borders ke yo moteletšana gannyane go mpheta, kafao ke swanetše go hwetša digodišantšu gannyane go ya tlase. Gomme ke monyetla go ba mo bosegong bjo ka kopanong ye gape, le go rapelela balwetši, le go dira e ka ba eng Moya wo Mokgethwa o re laetšego go dira. Ke nyaka go bolela se, go reta. Go mesepelo yohle ya ka go kgabola U.S., United

States le Canada, ke bone se sengwe bošego bja go feta seo se ntswikintšego kudu go feta tšohle ditulo tša mabili tše ke di bonego di kgothotšwe, le ka moka mahlotlo a robetše fase, difofu go bona, difoa go kwa, dimuma go bolela, bahu ba tsogetše godimo, ngaka o saenne setatamente gore “mothro o be a hwile, gomme a tsoga.” Seo sohle se be se kgahliša. Eupša ge ke bone batho bosegong bja go feta, ba e lego maloko a kereke, ba amogela Therešo le go ema thwi godimo ka magareng ga batho, go ipolela ba phošo le go rata go dira gabotse, seo e bile se sekaoonekaone seo ke tsebago ka sona.

⁵ Kereke, mohlomongwe Monyalwa šetše a kgethilwe. Ke, go Mo dira komana bjale. Go Mo hwetša . . .

⁶ Tsošeletšo e fedile. Re tseba seo. Ga go sa na moywa wa tsošeletšo. Diiri tše pedi tša tirelo, yo mongwe le yo mongwe o a belaela. Ka tsošeletšong, ke mosegare le bošego, nako yohle, ga e tsoge ya šwalalana. Tsošeletšo e fedile. Gomme kafao re no budutša.

⁷ Abraham o ile a swanelwa ke go e tšwela mphufutšo go fihla a hwetša semelo. Gomme ka gona ge a hweditše semelo, selo se se latelago se be se mo lokišetša nako yeo go gahlanetša monyadi. Seo ke selo sa go latela. Le elelwa ge a mo hweditše? Nakong ya mantšiboa, seetša sa mantšiboa.

⁸ Go ratha basadi le banna, bobedi, bosegong bja go feta; le go ba bona, go hlompheng Lentšu, ba emelela gomme le go amogela ba phošo, ba nyaka tebalelo ya Modimo, le go ya pele. Le ke lefelo go ba le tsošeletšo. Ge go ka ba tsošeletšo e ka ba efe ke e tsebago, e tla direga thwi go bapa fa, moo dipelo tša go botega. Gobaneng? Le na le se sengwe go šoma godimo ga sona, le a bona. Se sengwe . . . Bontši bja bona ba tla ba mereba, ga ba nyake o ba botše ka yona; e nong go elelwa, mohuta woo wa peu ke peu ya kerekelleina, e sego Peu ya Abraham. Peu ya Abraham e bona Lentšu, gomme e dumela Lentšu, ka pela.

⁹ Ge seotswa se sennyane sela, sedibeng bošego bjola, mosadi sedibeng . . . Fao go be go le baprista le borabi ba eme go dikologa, ba lebeletše Jesu a dira, a efa leswao la Gagwe la Bomesia go bona, leswao la Lengwalo, gomme ba rile, “Ke Beletsebubu, diabolo, mmolelelamahlatse.”

¹⁰ Eupša ka pela ge Seetša sela se phadimile go mosadi yola yo monnyane, ge A mmoditše se a se dirilego, O rile, “Mohlomphegi, ke a bona gore Wena o Moprefeta. Gomme re a tseba gore Mesia o etla, gomme, ge A etla, O tla re botša dilo tše.” Le a bona, ka pela Peu yela e kgethetšwegopele e e swere, gobane e be e le Peu ya Abraham, ka therešo. Gomme o bone Seetša. E be e le Lentšu. O tsebile Lentšu le tshepišitše seo, ge Mesia a etla, O tla dira dilo tše, gomme o le lemogile.

Jesu o rile, “Ke nna Yena yoo a bolelago le wena.”

¹¹ O kitimetše ka toropongkgolo le go leka go kgodiša ba bangwe. O rile, “Etlang, bonang Monna Yo a mpoditšego dilo tše ke di dirilego. A yo ga se yena Mesia?” Le a bona?

¹² Bjale feela lentšu go dikgaetšedi tša rena. Ka mehla ke be ke tšewa go ba mohloyamosadi, eupša ga ke yena. Le a bona? Ge ke be ke sa le segotlane se sennyane, ke bile le boitemogelo bja go galaka; eupša ka mehla ke bile le tlhompho ye kgolo go mosadi yo e bego e le mosadi, mohumagadi. Eupša ga ke na ditlhompho go bona bao ba ipolelago go ba gomme e se bona. Ke rata go bona mohumagadi, mohumagadi wa kgonthe wa mmapale, ke lebjebohllokwa.

¹³ Ka go letšatši le ge basadi ba arošitšwe, ba arogilego kudukudu ka go matšatši a a mafelelo. Lengwalo le bolela bjalo. Ka baka la eng? Ke go tšwela ka ntle ga lebaka. Le elelwa se e bego e le phapogo ya mathomo? E be e le mosadi. Yeo ke therešo. Gomme mo letšatšing la mafelelo! Ga se nke ra ba le se; re bile le mengwaga ye dikete tše tshela yeo bahumagadi ba lekilego go dula ba le bahumagadi. Bjale ba leka go dira bjalo ka monna, ba apara diaparo bjalo ka monna, ba ripa moriri wa bona bjalo ka monna, le go ya pele. Ga se nke ba ke ba dira seo ka go lebaka e ka ba lefe le lengwe. Beibele e akanyeditšepele se, gore ba tla dira se mo matšatšing a mafelelo. Gomme ke lena ba, phapošo ya basadi. Ga go makatše Beibele e rile, “Bao ba phonyokgilego go tšwa—go tšwa—go tšwa Tsione ba tla ba ba letago mahlong a Morena, ka letšatšing leo.” Le a bona, ka fao bao ba phonyokgago!

¹⁴ Le re, “Ga e dire phapano e ka ba efe.” E dira phapano. Yo mongwe o rile go nna e se kgale botelele, o rile, “Ngwanešu Branham, selo sela se sennyane ga se dire phapano.”

¹⁵ Ke rile, “Se dirile go Paulo. Gomme Paulo o rile, ‘Ge morongwa go tšwa Legodimong a etla le go ruta e ka ba eng gape, a a be morogakwa.’ Ge eba ba le modiredi, goba morongwa, goba pišopo, mopapa, goba e ka ba eng a lego, a e be morogwa ge e ka ba eng e le kgahlanong le Le.” Le a bona, seo ke tlwa. Bagalatia 1:8, ge le nyaka go E bala.

¹⁶ Gomme o rile, “Gabotse, ga ke nagane. . .” O rile, “Ke bone basadi ka moriri wo mokopana, ba be ba no ba bonolo le bose.”

¹⁷ Ke rile, “Yeo ke nnete tlwa, ke bone seo le nna. Eupša yeo ga se yona. Le a bona, o swanetše go tla go se Beibele e se boletšego!”

¹⁸ Go ka reng ge Modimo a rile go Moshe, “Rola dieta tša gago,” gomme o rile, “Morena, ke tla no rola kefa ya ka, sebakeng?” Le a bona? Le swanetše go dira se Modimo a rego dirang! Gomme bothata bja yona e bile, bjoo ke naganago ka bjona, se se ntirago gore ke tshwenyege ka sona, gore badiredi ba tla ema le selo se se bjalo! Ke eng? Go laetša gore ke Adama wa sebjalebjale yo a ilego le mosadimogatša wa gagwe. Le a bona? Modimo o nyaka Adama yo mongwe yo a emego le Lentšu, gomme Yena a nnoši,

Lentšu le nnoši. Lentšu le a rereša, go sa kgathale! Le se ye ka tsela yeo.

¹⁹ Le gatee, ka go mengwaga ye dikete tše tshela, a go kile gwa ba gore basadi ba tsoge ba hlogetše go ripa moriri wa bona, ba apare boka monna, ba arošwe. Re mo nakong ya bofelo. Gomme Amerika, e ka ba mang yo a tsebago seprofeto, o a tseba gore Amerika e emetšwe ke mosadi. Ye e bitšwa “tokologo ya basadi.” Tokologo bakeng sa eng? Go dira ka mo a ratago, sebe.

²⁰ Mosadi a ka se kgone go dira se a nyakago go se dira. Beibele e re aowa. Mosadi ke setšwa go monna. Ebile ga a ka tlholong ya setlogo. Yeo ke nnete tlwa. O tšerwe go tšwa go monna. Monna o be a le bobedi bosadi le bonna; O tšere moyo wa bosadi gomme a o bea ka go kgopo ye e tšwago lehlakoreng la gagwe. Theetšang! A le lemogile ge Rebeka a ile go kopana le Isaka, ge a fologa kamela, o širile sefahlego sa gagwe? Gobaneng? O be a etla hlogong ya gagwe.

²¹ Ga ba e tsebe. Ba swanetše go e dira, go le bjalo. A le hlokometše mosadi ge a nyalwa, o bea seširo godimo ga sefahlego sa gagwe? Ka baka la eng? O tla hlogong ya gagwe. Gomme Kereke, Kereke, e lego Monyalwa, e swanetše go itšhira ka boyena go thutotumelo e ka ba efe, o tla Hlogong ya gagwe, Lentšu. Kriste ke Lentšu, gomme Yena ke Hlogo.

²² Bjale, bagwera, ga ke nyake go thoma go seo. Ke—ke—ke be ke lebeletše godimo kua lehono, ka dihlogo tše makgolotlhano, tše kaonana gannyane go feta dingwalwa tše makgolotlhano, tša dithuto tša go teba ka Beibeleng. Eupša ke no nyaka go dula le Abraham bakeng sa kopano ye, ka mokgwa wo mongwe.

²³ Le a tseba, ke a dumela Morena a ka no, ge baena ba sa tshwenyege, gomme ge yo mongwe le yo mongwe, ke tla rata go tla morago mo le go swara tsošeletše mo le ka kgonago go dula lebakana, le a bona, moo ka kgonthre re tla tlago tlase le go no bona. [Phuthego e opa magoswi—Mor.] Ke a le leboga. Ke a le leboga. Ke a tseba go ne hlapi mo, ke—ke—ke a e tseba. Gomme ke rata go thea dihlapi. Gomme o na le materiale wa go šoma ka wona, yo mongwe yo a botegago. Yo mongwe le yo mongwe a ka foša. Ga le tsebe; ke hwa letšatši ka letšatši, go tšwa diphošong tša ka, gomme ke leka go phela pele ga Kriste. Gomme yo e ka ba mang yo a lego yo mogolo go lekanelo, gomme o na le Moya wa Modimo go lekanelo go sepelela godimo le go amogela gore ba phošong, ba re, “Ke nyaka selo sa maleba,” ke na le tshepo ye ntši thwi fao, ka gore, ka therešo yeo ke Peu ya Abraham. Ba nyaka go Le tseba. Ga ba Le tsebe ntle le ge ba Le kwa. Eupša Le swanetše go kwewa pele, o rile, “Rena bjang... ntle le moreri? Gomme moreri a ka kgona bjang go rera ntle le ge Modimo a mo romile?” Yeo ke Therešo tlwa. Bjale, hlokomelang bjale.

²⁴ Re ya morago go Abraham bjale. Bokaone re boele morago go yena, kafao, le go e tšwetša pele. A le kgona go nkwa gabotse, godimo ka bophagamong godimo kua? Re... Go botse go bona, bošegong bjo, lešaba le lekaone bjalo. Le batho ba go ratega kudu fa. Ka kgonthe ke...

²⁵ Ke be ke bolela le mogwera lehono, yo a tšwago Canada. Morena o ntlhahletše tlase go lefelo le le itšego moo ke ilego ka swanela go šetša se sengwe go direga. Gomme gona go emeng... Mogwera yo, ke kopane le yena, gomme o be a bolela ka fao batho ba Amerika ba bego ba le botho. Gomme ke rile, "Ee, gomme ka fa go ye nngwe ya pe—pe Peu ye e kgethetšwegopele ya Modimo, ka gare le go dikologa mafelo a, le ka go lefelo le le lebe kudukudu." Ga ke re toropokgolo ya lena mo. Toropokgolo ya ka, ye ke tšwago go yona, ke ye mpe bjalo ka ya lena. Eupša lefase ka moka ke le lebe, eupša thogorogo yohle e phaphamaletše go ya Bodikela. Re tseba seo. Tlhabologo e sepets'e le yona. Gomme moo tlhabologo e lego, fao ke moo sebe se dutšego. Yeo ke nnete. E lebeleleng godimo le tlase fa. Se ke serapa sa mabitla sa moreri. Yeo ke nnete. Lebelelang Los Angeles, se sengwe le se sengwe le dinagathoko thwi ka kua, gomme yo mongwe le yo mongwe o na le thutotumelo, thuto. Go tliša Lentšu ka kua, o ka se kgone go e dira. E tšhilafetše kudu! Yeo ke nnete. Matimone, bodiabolo, thwi mo setulong sa Sathane! Eupša go le bjalo ka bogareng bja yona yohle, fao go na le Peu ka kua, gape. Gomme selo se nnoši o ka kgonago go se dira ke go phatlalatša Seetša. Gomme ge eba e ka ba sefe sa Seetša sela... Ge eba go ne Peu fale, e tla tla Bophelong ka pela ge Seetša se e ratha. O swanetše go no bjala Seetša, seo ke phetho. Gomme Yena ke Seetša sa mantšiboa, re tseba seo, Lentšu la Gagwe.

²⁶ Bjale, bošegong bja go feta re tlogetše Abraham. Ke thomile go—go tema ya 22, eupša ga se ka tsoge ka e kgabola, gobane ke ile go theeng morago go se Abraham a bilego kua mathomong. Gomme re mo tlogetše bošegong bja go feta moo Modimo a bego a tiišetša kgwerano le yena. Oo, ke rata seo. Go kgeila dira, go dira kgwe—kgwe kgwerano le Abraham. Gomme ka fao re bilego... Ge A biditše Abraham, gomme o be a eya go tiišetša kgwerano go yena, O mmoditše go tsea diphoofolo tša mengwaga ye meraro bogolo, le go di aroganya. Gomme re ne tše tharo. Ga re ne nako go ya ka go yona. Nna, o ka dula go yela, yela thuto e tee thwi fale, go fihla mo mosong, wa se be le yona e hlalošitšwe. Eupša o no ba mohuta wa go betha mafelo a godimo, le go letela Moya wo Mokgethwa mo nakong ye go utolla ka moka ga yona.

²⁷ Bjale, ka fao phethagalo, Sehlabelo sa go phethagala, go phethagala, Modimo o phethagaditše ka go bophelo bja motho se A bego a eya go se dira. Re a tseba re bile... Re bile le Modimo Tate, yo a bego a le Ramaatlakamoka Jehofa. Ka gona Yoo o be a le ka go Pilara ya Seetša, e tšere Israele go kgabola lešoka. Gomme Jehofa Yola wa go swana o bile

nama le go dula magareng ga rena, ka sebopego sa Morwa motswalwanoši wa Gagwe, o hlotše Tabarenekele bakeng sa Boyena bja Gagwe Mong go dula ka go yona, Modimo a bonagaditšwe nameng. Botlalo bja Modimohlogo mmeleng bo dutše ka go Yena, ponagalo ya go phethagala. Ka gona (ka kgwerano) karolo ya motho ya Gagwe ya tlošwa, ya ripša, gore A ke (kgwerano ye) a aroganye Mmele woo o hwilego, Madi ao a tšholotšwego bakeng sa tebalelo ya dibe, le go O phagamišetša godimo le go O bea ka seatleng sa Gagwe se setona, le go romela Moya morago ka Letšatši la Pentecost. Gomme Bophelo bjola bja go swana bjoo bo phetšego ka go Kriste Jesu bo swanetše go phela ka go batho ba kgwerano, Bophelo bja go swana bo dira selo sa go swana. Jesu o boletše ka go Johane 14:12, “Yo a dumelago go Nna, mediro ye Ke e dirago o tla e dira le yena.” Bjale, seo e ka ba nnete goba phošo. Se swanetše go ba nnete! Go nna, Lentšu le lengwe le le lengwe la Yona ke nnete. Lentšu le lengwe le le lengwe le nepile ka go phethagala. Hlokomelang ka fao Modimo a šomago ka letago.

²⁸ Gomme gona ka fao gore bale ba Tate... Boka Mateo a rile, “Kagona eyang, rutang ditšhaba tšohle, le ba kolobetša Leineng la Tate, Morwa, le Moya wo Mokgethwa.” Le a bona? Bjale, Tate... Ga go re gore re na le Badimo ba bararo. Re na le Modimo o tee ka diofising tše tharo (Botate, Bomorwa, Moya wo Mokgethwa), Modimo wa go swana maabane, lehono, le go ya go ile. Seo ke tlwa.

²⁹ Bjale hlokomelang ka fao go bego go le letago ka gona go bonagatšwa go Abraham, le ka fao gore Modimo, ka go Seetša se, o ile gare ga diripana tše, a di ripilego. Feela bjalo ka... Re tšere bošegong bja go feta, ka fao ba dirilego rakontraka, e ngwadilwe gomme morago ba e kgeila, gore e swanetše go sepelelana. Kontraka e swanetše go sepelelana.

³⁰ Bjale le a bona, bagwera, seo ke se ke lekago go se bolela. Ebile le magareng ga batho ba rena ba Pentecostal, go ba diabolo yo wa bohlale, go leka go dira batho... Bjale, ke dumela go dimpho tšohle tša Modimo. Ke dumela go go goeletša. Ke dumela go go boleleng ka maleme. Ke dumela go dilo tšohle tše Modimo a di boletšego. Eupša efela o ka se kgone go ithekga godimo ga e ka ba sefe sa dilo tše go beng ka baka la eng o na le Moya wo Mokgethwa. Le a bona, bophelo bja gago bo swanetše go ya le wona. Le a bona? Tša lena... “Le tsebjia ka dikenywa tša lena.” Le a bona? Gomme tše ke dilo tše di ntshwenyago lehono, gobane ke bona kereke ya ka mong, kereke ya Pentecostal, e eba sela “sebopego sa bomodimo,” e eya kgole le Therešo. Le go tliša Therešo ya Lentšu go bona, ba katakata go tloga go Lona. Morago ba kgopele, “Etlang, dulang le nna,” ba ka se e dire. Le a bona, go a bontšha go ne se sengwe sa phošo. Seo ke se se ntshwenyago. Gomme, bjale, ga se bjalo ka ge e ke ke kgahlanong le kereke ya ka. Ke...

³¹ Ge ke rata Kriste, go tla ba bokaonana kudu go nna go ikgantsha ka Kereke ya Gagwe go feta ka mo go tla bago go kgantshago ka Yena. Gobane bokaone ke gore ke ikgantsha ka bana ba ka go phala go ikgantsha ka nna. Gomme, elewang, ka mehla ke be ke gopola, ge ke be ke na le marotholodi a mabedi a Madi a Jesu ka go sebjana, ka fao ke bego ke tla swara Ao, gore ke se ke ka A kgapukanya. Ke be ke tla sepela ka tlhokomelo ka kgontha. Eupša bošegong bjo ke na le se segolwane go feta ao, mo pele ga Gagwe, ke na le morekwa wa Madi a Gagwe. Le a bona, O tšholotše Madi a Gagwe bakeng sa gago. Gomme ke nna yo bjalo ka modiredi bošegong bjo, ke swere, goba ke go šupetša boyo bja gago bja Gosafelego. Kafao ga ke ye go bolela ka thutotumelo e ka ba efe goba thutotaelo e ka ba efe; e swanetše go ba Lentšu, gobane ke selo se se yago go ba gona neng le neng. Tumelo ya ka e agilwe godimo ga Lentšu, gomme Kriste ke Lentšu. Gomme ge Kriste a dirwa Lentšu, gona Lentšu le dirwa go bonagala thwi magareng ga rena. Le a bona, le swanetše go ba!

³² Bjale, ka fao, ke a dumela gore Modimo wa Testamente ya Kgale, tšohle tše A bego a le tšona, O di tšolletše ka go Jesu Morwa wa Gagwe. Gomme tšohle tše Jesu wa Testamente ye Mpsha a bego a le tšona, O di tšolletše ka Kerekeng ye A e rekilego ka Madi a Gagwe Mong. Le a bona? “Lebakana le lennyane gomme lefase,” *kosmose* fao, tshepedišo ya lefase, “e ka se Mpone gape. Efela lena le tla Mpone,” *lena*, Kereke, “gobane Ke tla ba le lena, ebole ka go lena, go fihla bofelong bja lefase.” Ka gona Bophelo, Kontraka yeo, Moya wola wo o tšerwego go tšwa go Kriste mo Khalibari, o tlišwa morago le go tšhologela fase godimo ga batho, Peu ya Abraham, yeo Modimo a dirilego tshepišo go yona. Elelwang, e be e se go dipeu tšohle tša gagwe, eupša “Peu.”

³³ Bjale, go na le thuto ya kgethelopele ye e bodilego, ditšiebadimo. Eupša ka kgontha go na le kgethelopele ya therešo. Modimo, ka tsebelopele, o kgonne go kgethelapele gobane O na le tsebelopele. Modimo ga a rate gore e ka ba mang a lahlege, eupša, go beng Modimo mohlokamagomo, o tsebile gore ke mang a tla senyegago le ke mang a ka se kego.

³⁴ Ke ka lebaka leo A boletšego pele ga Isaka goba—goba... pele ga Jakobo goba Esau a tswalwa, O hloile Esau gomme o ratile Jakobo. Tsebelopele ya Gagwe e Mo dirile a tsebe gore Esau e be e le radihlonyana, gomme O Mo dirile a tsebe gore Jakobo o hlomphile tokelotswalo yela; go sa kgathale o e hweditše bjang, o e nyakile. Bjale, bobedi bašemane, mafahla, ba tswetšwe go tšwa go mme le tate yo mokgethwā wa go swana, eupša yo motee e be e le legwaragwara gomme yo mongwe e be e le mo—mo modumedi. Bjale Modimo, ka tsebelopele ya Gagwe, o tsebile seo.

³⁵ Bjale, Modimo, ka tsebelopele, ga A—A bee kgwebo ya Gagwe boka... O ka se dire kgwebo ya gago ka tsela yeo, godimo ga letlakala la go tlemologa ka mokgwa woo. Modimo o tsebile,

ka tsebelopele, ke mang a bego a tla phološwa, kafao O rometše Jesu go swara bao A ba bonegopele ba tla phološwa. Balang Baefeso, tema ya 1, gomme le tla e bona. Le a bona? Bjale, fao.

³⁶ Ka gona O romela Ebangedi ya Gagwe fase gomme a E bjala, a romela Moya wa Gagwe fase go E dira gore e phele. Bjale, bobedi di tla mela ka tšhemong ya go swana, Bahebere 6 e re botša seo, “Gore pula e tla gantši,” Jesu o rile, “godimo ga lefase,” gomme le hlokomela ka kua, “go lokiša, go apeša lefase; eupša meetlwa le ditshehlo, tše di lego kgauswi le go ganwa, tše di mafelelo a tšona e lego go tšhungwa.” Le a e hwetša? Bjale elelwang.

³⁷ Re tla tšeа tšhemong ya korong. Lena batho le bjalamo korong mo. Gomme ko—ko komelelo še e tla godimo. Motangtang šo goba ngwang wo le nago le wona mo, ngwang wa go tsebja o mela godimo ka tšhemong; motangtang ka tšhemong, ngwang wa maswi ka lebileng . . . tšhemong, ditshehlo ka tšhemong. Gomme korong e ka tšhemong. Bobedi di nyorilwe. Gomme pula ga e tlele ngwang, eupša bakeng sa korong, eupša ngwang wo monnyane wola o tla ema thwi godimo le go hlalala feela bontši bjalo ka ge korong e tla dira.

³⁸ Eupša le tsebja ka dikenya tša bona. Moya wa go swana o wela godimo ga moikaketši gomme o tla goelela le go tšwelapele boka ka moka ga bona, eupša bophelo bja gagwe ke bjona bo netefatšago se a lego. Le a bona? Gomme re ithekga kudu ka maikutlo. Gomme lehono tšhemong e tletše ka mehuta yohle ya maikutlo, mohuta wo mongwe le wo mongwe wa maikutlo a go se be mangwalo le se sengwe le se sengwe gape. Nnete. Eupša re swanetše go tla morago go Lentšu, Therešo ya Lentšu. Lentšu, se Le se boletšego!

³⁹ Bjale, Modimo a botša Abraham gore ka yena, kgwerano ya boraro, gomme kgwerano e nnoši. Jesu feela o be a le tiišetšo ya kgwerano yeo A e dirilego le Abraham, Peu ya bogoši, Peu ya Moya.

⁴⁰ Gomme go lena bagwera ba ka ba bohlokwa ba Katoliki, ge le re, “Dumelang, Maria, mmago Modimo,” a ga le lewe ke hlong? Maria a ka kgona bjang go ba mmago Modimo? A ka se kgone go ba. O re, gabotse . . .

⁴¹ Ke be ke bolela le yo mongwe letšatši le lengwe, ba a fapania. Ba boletše gore—gore Jesu o be a le pe—pe peu ya—ya Maria. Ge A be a le peu ya Maria; pele peu e ka kgona go theoga go kgabola tšhupu, fao go ile gwa swanelo go ba maikutlo go e tliša. Gona le dira Jehofa . . . Le bona se le Mo dirago go se dira?

⁴² Modimo, Mohlodi, o hlotše bobedi lee le sele ya Madi, gomme a tliša pele Tabarenekele. Gomme motho ga se a be le selo go dira le Yona! E be e le Modimo a nnoši! Yeo ke nnete.

⁴³ O be a le mosadi wa go loka, ka kgonthe. Go na le ba bantši ba go loka ba dutšego fa bošegong bjo. Gomme ge Modimo a

fetša go šomiša e ka ba eng, e tlogile go lefelotiragalo. Gomme ga se yena mmoelanyi. Yena ga se mmago Modimo. Yena ke wa go loka, mosadi mokgethwā ka Letagong, gobane o hlanketše morero wa Modimo. Gomme mosadi yo mongwe le yo mongwe ka mo o na le sebakabotse sa go swana, mohlomongwe e sego ka tsela ya go swana, eupša go direla Modimo. Le a bona? Modimo o tla go šomiša.

⁴⁴ O nno mo šomiša bakeng sa sealamedi, eupša Ngwana o be a le wa Modimo. Ya, O be a le Mohlodi wa bobedi lee le haemoklopini. Gomme haemoklopini, ka nnete, e tšwa go bongtona; gomme O be a le Mohlodi wa yeo. Gomme Maria o tlišitše lesea le ntle le maikutlo e ka ba afe, go no se fete Moya wo Mokgethwā o mo apešitše ka moriti le go hlola ka popelong ya gagwe sele ye ya Madi le lee tseo di tlišitšego pele Monna, Kriste Jesu.

⁴⁵ Gomme yeo e be e le kgwerano ye Modimo a bego a ngwala ka yona, gore ge Modimo a dirilwe motho magareng ga rena, gona O ile a phaphologanywa. Le a bona, tše tharo tša tšona, tša bogolo bja mengwaga ye meraro, morago a di phaphologanya. Gomme Modimo o tšeetše karolo e tee ya Yona Gae le Yena, gomme o rometše karolo ye nngwe tlase fa. Bjale ge Mmele o kopana gape, e tla swanela go ba Bophelo bja go swana bjo bo bušitšego Mmele wola e tla swanela go ba Bophelo bja go swana bo bušago Mmele wo. Gomme O be a le Lentšu. Gomme Yena ke Lentšu! Le a bona? Gomme mediro ye Lentšu le e dirilego nako yela le dira selo sa go swana lehono. Yena ke Lentšu, Lentšu la Gosafelego. Gomme Lentšu la Modimo ke la Gosafelego. Go lokile.

⁴⁶ Bjale O be a dira eng? A dira tsela, a laetša, a tseba gore Israele, peu ya tlhago, e be e tla Mo gana; eupša go tsebeng gore Peu ya segoši, e sego go tšwa go taba ya thobalano le Sarah, eupša go tšwa go tumelo yeo Abraham a bilego le yona, yeo e tlišitšego pele Kriste, yeo ke Peu ya bogoši ya ditšhaba tšohle, tša go hlakahlakana, Monyalwa o tšwa go ditšhaba tšohle. Abraham, tatago ditšhaba, e sego ka gobane o bile le . . . o phetše le mosadimogatša wa gagwe, Sarah, gomme a belega morwa, eupša ka gobane o dumetše Lentšu. Amene. Yeo ke yona.

⁴⁷ Bjale re hwetša, ka morago ga bjo, boitemogelo bjo bogolo bjo. Bjale re tla godimo go tema ya 17. Re ya go leka go hwetša ya 22, ge go kgonega. Tema ya 17. A le rata leeto le Abraham? Ke no rata go e šetša. Gobane gobaneng? Se sengwe le se sengwe seo a se dirilego e be e le sekai sa go phethagala sa Kereke. Le dumela seo? Hlokamelang, Mangwalo ohle a e swantšha.

⁴⁸ Lebelelang Joele, o rile, “Go tla tla go phethega ka matšatšing a mafelelo, gore Modimo o tla tšollela Moya wa Gagwe ntle.” Ka fao gore go tla tla bojane gomme bja ja kereke ya Gagwe! “Tša go šadišwa ke mogokong, bojane; le bojane, phatakalala.” Gomme ke khunkhwane ya go swana,

khunkhwane ya go swana ka magato a mane a go fapano. Ye nngwe le ye nngwe e ja karolo. Mo go tla phatakalala ya kgale goba bojane gomme bo ja sekgamathi, gomme tše dingwe di jele kenywa, gomme—gomme ka gona tša tla mmogo tše dingwe tše di monago bophelo go tšwa go ona. Moo ke ge . . .

⁴⁹ Kriste, Mohlare wola woo o bego o le ka serapeng sa Edene! Go be go le mehlare ye mebedi ka serapeng sa Edene. Mehlare ye mebedi ye e be e beilwe fale bakeng sa morero wa tswalo. Gomme ge . . . Efa, o be a le mohlare wa lehu ge a ka be a kgwathilwe. Gomme Kriste o be a le Mohlare wa Bophelo. Bjale ka mosadi go tla lehu; ka Monna go tla Bophelo.

⁵⁰ Bjale ge A eme fa a bolela le Bajuda, O rile, “Ke . . . ya lena . . .”

⁵¹ Ba rile, “Botatawešu ba ja mana ka lešokeng lebaka la mengwaga ye masomenne.”

⁵² O rile, “Gomme bona ba, yo mongwe le yo mongwe, hwile! Eupša ke nna Borotho bja Bophelo, Mohlare wa Bophelo, wo o tšwago go Modimo go tšwa Legodimong, bjoo motho ge a ej a Borotho bjo gomme a ka se tsoge a hwa.”

⁵³ Modimo o beile Barongwabatuki fale, ba hlapeditše Mohlare wola, gore go se be le yo a tla O kgwathago. Bjale O na le Barongwabatuki ntłe, go leka go ba gapela ka gare go ya Mohlareng. Lona letšatši, ba bone pono, ba be ba nyaka go ya Mohlareng, go ya morago ntłe le poelano. Eupša bjale ka morago ga ge poelano e dirilwe, diabolo o a ba foufatša, go ba retolla ka tsela ye go tloga Mohlareng. Hlokome lang.

⁵⁴ Ge Kriste a tlie lefaseng, O be a le Mohlare wa Modimo wa go phethagala. Dafida o Mmone ka go Pesaleme ya 1, o rile, “Mohlare o bjetšwego nokeng, dinoka tša meetse.” Dinoka tše ntši, Meetse a matee; dimpho tše ntši, Moya wa go swana. “Matlakala a Gagwe a ka se pone.”

⁵⁵ Eupša ge A etla lefaseng, go diregile eng? Maatla a Roma a ripetše mohlare wola fase gomme a Mo lekeletša godimo ga mohlaremodirwa ke motho. Ka gona Modimo o tsošeditše Mohlare wola godimo le go O bea ka seatleng se setona, le go romela Moya morago go Mo direla Monyalwa, boka Adama a ka be a bile ka serapeng sa Edene. Gomme ge mohlare wola o thomile go tloga, e be e le mohlare wa pentecostal.

⁵⁶ Re kwa mopapa a re, “Dikereke tšohle, etlang morago go kereke mme, go ya mathomong. Etlang morago go Roma!”

⁵⁷ Ke nyaka rahistori yo motee, modiredi yo motee, goba yo mongwe go ema, go ntebelela ka sefahlegong le go mpontšha gore kereke e thomile ka Roma. Kereke e thomile ka Jerusalema ka Letšatši la Pentecost! Moo ke fao. Mokgatlo o thoma ka Roma, mengwaga ye makgolotharo le metšo moragwana. Eupša Kereke e thomile ka Pentecost; Modimo a tsošetša Kriste mohlare

Monyalwa, ka Moya wa go swana o bego o le ka go Kriste, o tsoša mohlare Monyalwa. Gomme go diregile eng? Ge o thoma go tsetla, o gola, khunkhwane ya Roma e tlide godimo ga ona le go thoma go ngwatha. Se mogokong o se šiilego, phatakalala e se jele, go fihla o ile thwi go kutu.

⁵⁸ Eupša Modimo o rile, “Ke tla bušetša, o rialo Morena.” Mohlare wola o ya go tla pele gape, ka gore Mohlare Monyalwa o tla ka morago ga Monyalwa.

Godimo go tlide Luther, O dirile eng? A latela tokafatšo.

⁵⁹ Yeo ke tlwa tsela ye kereke e tlidego ka gare, Johane a rera tokafatšo. Ka gare go tlide Kriste, a rera tlhwekišo. Bahebere... ke ra Mokgethwa Johane 17:17, “Ba hlwekiše ka Therešo, Tate. Lentšu la Gago ke Therešo.” Gomme O be a le Lentšu. Yeo ke nnete. O be a le Sehlabelo. Ka gona, ka Letšatši la Pentecost, ka Moya wo Mokgethwa. Tokafatšo; tlhwekišo; gomme ge mohlare o amogetše kolobetšo ya Moya wo Mokgethwa, e be e le mohlare wa Monyalwa wa go tlala!

⁶⁰ Baroma ba o jele. Feela ge o ile fase, o tlide godimo! Gomme ge o thoma go tla godimo ka Luther, eng? Ka morago ga lehu la Luther, ba o kgatlofaditše. Na Molemi o dirile eng? O thenetše merara ya kgale ya go hwa.

⁶¹ O ile kgole, kgojana, pelo ya mohlare e gola. Ke mohlare wo o kgethetšwegopele! Peu yela e robetše kua, e swanetše go tla! Gomme godimo e tla gape, gomme Wesley a thoma. Gomme ba bile le tsošeletšo ye kgolo ka tlase ga tlhwekišo. Go diregile eng? O o thenetše gape, ge ba kgatlofaditše. Mokgatlo ga se nke wa tsoge wa tsoga. Ga se nke le o tee o kilego wa wa o kilego wa bowa morago gape.

⁶² Morago go tlide Mapentecostal, ka pušetšo ya dimpho. E dirile eng? E kgatlofaditše! Modimo o dirile eng? A e thenela!

⁶³ Eupša O boletše eng? “Ke tla bušetša, o rialo Morena.” O tla ntšetša ka ntle ga tlhakahlakano yela, Kereke ye e hlatswitswego ka Madi, e rekilwego ka Beibele, le Lentšu la go kgwahla, Monyalwa! Dietša tša mantšiboa di tla ntle. Kenywa e butšwa kae? Thwi ka ntlhoreng ya mohlare. Mo ke a ya gape!

⁶⁴ Morago go Abraham, morago, a re yeng go Abraham. Šo O a tla, Peu ya segosi ya nako ya mantšiboa e etla ka gare. Ditšhaba... Hlokome lang bjale ka morago ga tema ya 17, re hwetša fa ka go tema ya 17, Modimo o bonagetše go Abraham ka Leina la Ramaatlakamoka Modimo.

⁶⁵ Abraham o be a le bogolo bja mengwaga ye masomesenyane senyane, gomme nako ye yohle ga se nke a šikinyega, eupša o dumetše Lentšu la Modimo; le go bitša dilo tše di bego di se gona mo o ka rego di be di le gona, gobane Modimo o boletše bjalo, a sa ntše a dumela lesea lela le tla tla, a swareletše go tshepišo. A monna! A ngwanešu! “Abraham, yo kgahlanong le

kholofelo . . ." Popelo ya Sarah e be e hwile. O be a sa belegiše. Mmele wa gagwe o hwile. Beibele e rile o be o le, gore mmele wa gagwe o be o no swana le go mohu. Gomme popelo ya Sarah e be e hwile. Gomme bjale o be a le botse e ka ba mengwaga ye masomenne ya go feta menophose, gomme go le bjalo Abraham o e dumetše, gore o tla ba le lesea gobane Modimo o boletše bjalo. Ke lena bao. A swareletše go Lentšu gobane Modimo o boletše bjalo! Ga go kgathale eng, dithutotumelo tseo di Le khupeditšego, gomme, go le bjalo Lentšu lela le letše fale! Le be le swanetše go tla. Gomme Lentšu lela le robetše ka pelong ya Abraham!

⁶⁶ Ga go kgathale ke ba bakae ba rego, "Matšatši a se a ile, le sel a fale." Ge feela Lentšu lela le robetše kua, le tla hlola, ka gore ke Lentšu le le medišitšwego. Ka gore, Modimo ke Lentšu, gomme Bophelo bja Modimo bo ka go Lentšu. Hlokamelang bjale ge Lentšu lela le rothela ka Bophelong bja Modimo, se sengwe se a direga, se tla go phethega. Bjale hlokamelang.

⁶⁷ Ka gona A tswela go yena ka Leina la Modimo Ramaatlakamoka. Bjale, Modimo o na le maina mamenaganagašupa a topollo. Gomme O bonagetše go yena fa ka sebopego sa Ramaatlakamoka Modimo, go rago "El Shaddai." Ka go . . . "Shaddai," ka go Sehebere. *El* e ra gore "yo a tiilego." *Shad* e ra "letswele," boka letswele la mosadi. Gomme bjale go na le gore e be "shad," botee; "Shaddai," bontši. Bjale a khomotšo ye bose go mokgalabje, bogolo bja mengwaga ye lekgolo, a swere Lentšu la Modimo ka pelong ya gagwe, gomme fa Segalontšu sa Modimo se tla go yena gomme se rile, "Ke nna El Shaddai. Ke nna Modimo wa Matswele."

⁶⁸ Oo, ke khomotšo ye re nago le yona! Bjale, e sego, elelwang, e sego feela "letswele," eupša "wa matswele"! "O gobadišwe ka baka la dikarogo tša rena; ka megogoma ya Gagwe re a fodišwa."

⁶⁹ Bjale, mme o dira eng, ka lesea la gagwe le lennyane, ge a babja le go tshwenyega? O topa moisa yo monnyane. O mo swarela godimo go letswele la gagwe, gomme o . . . o anywetša maatla a mme ka mmeleng wa gagwe mong ka letswele. Gomme ga se feela gore o kgotsofetše goba o . . . O homoditšwe. O goeletša ka godimo ga segalontšu sa gagwe, o tshwenyegile gohle; eupša ge mme a mo kukela godimo le go mmea . . . a mmea godimo ga letswele la gagwe, gomme a thoma go mo uwauwetše, a mo kobakobetša morago le pele, o ikwela mmagwe, hlogo ya gagwe e godimo ga sefega sa gagwe, gomme o thoma go anywa le go goga maatla go tšwa go mmagwe, go ya ka mmeleng wa gagwe. O a impshafatša yenamong, o aga maatla; gomme gape o kgotsofetše, mola letsatši ka letsatši a golela go tia kudu le go tia kudu.

⁷⁰ A boitemogelo go Peu ya Abraham! O sa le Ramaatlakamoka Modimo, El Shaddai! Re ka kgona go swara tshepišo e ka ba efe ye A e dirilego ka Beibeleng. Peu ya Gagwe, bana ba Gagwe,

ge o babja, e no swara letswele la tshepišo ya Lentšu le le rilego, “Ka megogoma ya Gagwe re a fodišwa.” E a kgotsofatša! Gomme re goga kgafetšakgafetša, maatla a rena, go tšwa go Yena wa go tia, El, Yena wa go tia, Yena wa Gosafelego, re goga Bophelo bja Gagwe go tšwa go Yena, ka tshepišo ya Gagwe.

⁷¹ A maikutlo go fago motho yo a robetšego godimo ga sefega sa El Shaddai, re dumela, re tseba gore re anywa maatla a Kriste, go tšwa go tshepišo ya Gagwe, go tla ka go rena!

⁷² Ge El Shaddai a thekgile Abraham mo sehubeng sa Gagwe, mengwaga ye masomepedi tlhano pele; mokgalabje, bogolo bja mengwaga ye masomešupa tlhano, le mosadimogatša wa gagwe masometshela tlhano; ga se nke a tlogela Letswele lela. O sepeletše thwi pele go kgabola naga ye šele, magareng ga batho ba šele ba ba sa tsebego Modimo, eupša kgafetšakgafetša o fa bopaki gomme o be a tīle tumelong, a efa tumišo go Modimo, gobane o tsebile o be a goga go tšwa go tshepišo yela.

⁷³ A kholofelo ye e lego ya kereke bošegong bjo, ka iring ya leswiswi, tumelokhweli, maikutlo, bohlale. Moya wo Mokgethwa o rile, “Ka mašatsšing a mafelelo go tla tla kereke ya bohlale. Moya o bolela ka go hlagiša,” Timotheo wa Pele 3, “ka go dinako tša moragwana ba bangwe ba tla tloga go Tumelo, ba fa šedi go meoya ya go foraforetsa, le dithuto tša bodiabolo,” nnete, “ba na le sebopego sa bomodimo.” Ba be ba dira eng? “Ba hlogothata, ba menagano ya godimo.” Ngaka Ph.D., LL.D., QST, tšohle dithaetlele tše. “Gobaneng, Ngaka *Semangmang*, nako *bjalo le bjalo*, ke modiša wa rena.”

⁷⁴ Bokaone monna yo mongwe a be ka lapeng la ka, goba ngwana wa ka, yo a bego a sa tsebe phapano gare ga go phatlola dinawa le kofi, gomme a tseba Kriste! Yeo ke nnete. Mo tšeele ntłe mošola felotsoko kgauswi le kutu ya kgale gomme o khuname fase matolong a gagwe gomme o rapele le yena go fihla Moya wo Mokgethwa o etla ka go yena. Bokaone ke be le yeo go feta saekolotši yohle o ka kgonago go e tšhela ka go yena ka grata ya bongaka. Mmotše Lentšu la Modimo! Ee.

⁷⁵ “Eupša ba hlogothata, ba menagano ya godimo, barati ba maipshino go feta barati ba Modimo, babatasekgoro, baphari ba maaka, basekgotsofale, le banyatši ba bao ba lokilego.”

⁷⁶ Oo, le re, “Bao ke Makomonisi.” Aowa, aowa! Bao ke ba ba bitšwago Bakriste.

⁷⁷ “Ba na le sebopego sa bomodimo, eupša ba gana Maatla a bjona, go ba babjalo retologa o tloge. Ka gore wo ke mohuta wo o yago go tloga ntłong go ya ntłong, ba hlahlia basadi ba ditlaela, ba gogwago ke dikganyogo tša mehutahuta, ga se ba tsoge ba kgonago go tla go tsebo ya thereso.” Yeo ke nnete. Seo ke se se lego. Gomme re bona letšatši leo.

⁷⁸ Gomme a khomotšo go modumedi, go ikaroganya yenamong go tloga go gosedumele gohle, dithutotumelo tšohle tša bona tša

go hloka modimo, dithuto tšohle tša bona tša go hloka modimo, le go lebelela thwi go Kriste le go tsea Lentšu, le go swarelela go Lentšu lela go fihla o Le bona le bonagatšwa. Ga go kgathale ke botelele gakaakang o swanetšego go leta, dula fale! Modimo o e tshepišiš. O go hlahletše go yona, swarelela go yona! Dula fao. O se e tseele morago. Dula thwi fao. Ge o na le nnete ya yona, o tla dula fao. Eupša ge o tšokatšoka, o tla tlemologa go selo e ka ba sefe se sennyane. Kgabo e tlimarela dilo tša go phatsima, eupša bera e swere maswaro a yona. Kafao, o dula godimo! Ee, swarelela, go notaselo ya gabotse!

⁷⁹ El Shaddai! O rile, “Ke nna El Shaddai. Abraham, Ke nna Yena yo a tiilego. O mokgalabje. O bogolo bja mengwaga ye lekgolo bjale, maatla a gago ohle a ile; eupša Ke nna Maatla a gago! Kholofelo ya gago e ile yohle; eupša Ke nna Kholofelo ya gago!”

⁸⁰ Oo, o a tlaišega, bošegong bjo, ntle mo ka kankere le dilo, a ga o kgone go bona mo Maatla a gago a tšwago? E sego go tšwa go thipa ya ngaka, eupša go tšwa go Lentšu la Modimo! “Ke nna Karolo ya gago! Ke nna Maatla a gago! O goga maatla a gago go tšwa go Nna!”

⁸¹ E sego go nyatša ngaka bjale; o dira karolo ya gagwe yeo e lego go yena. Eupša Modimo ke Mofodiši. Ga go ngaka, ga go ngaka, ga go sehlare se ka fodišago. Aowa, mohlomphegi, ga ba na le sehlare se setee se se ka fodišago. Bjale, ngaka e ka ba efe e tla go botša seo. Ba na le dithušo, eupša Modimo ke Mofodiši. Ba ka no sega lešoba ka seatleng sa gago, eupša Modimo o swanetše go e fodiša. Ga ba na le selo go aga thišu; ge ba ka kgona, ba ka kgona go aga motho. Ka fao le a bona, Modimo ke Mofodiši. O ka kgona go beakanya lerapo, eupša Modimo o swanetše go le fodiša. Modimo ke Mofodiši, “Ke nna Morena yo a fodišago malwetši a lena ohle.” Gomme o ka se kgone go dira Lentšu la Modimo go aketša; Le tla tla thwi morago go therešo nako ye nngwe le ye nngwe, feela thwi go otloga morago. O ka se kgone go Le dira gore le aketše.

⁸² Bjale ba re Beibele e a ikganetša ka Boyona. Ke kgopetše, gomme ke boditše banna ke tla ba fa megolo ya ngwaga mo tšhemong, ge nka kgona, se sengwe le se sengwe nka kgonago go se dira, go mpontšha lentšu le tee ka Beibeleng leo le thulanago le le lengwe. Yeo ke nnete. Ga le gona. Ke ka gobane monagano wa gago wa senama o e lebelela ka tsela ye o dirago. Moya wo Mokgethwa ke Mohlatholli wa Lentšu lela. Lentšu lela ke therešo, le beilwe mmogo. Lohle le fale boka mararankodi a saga, eupša go tsea Moya wo Mokgethwa go Le bea mmogo, go Le dira seswantšho sa topollo ya Modimo le ditšhegofatšo tša Gagwe go batho ba Gagwe. Amene. Ga Le ikganetše Lonamong! Ga go Lengwalo le tee, ga go temana e tee ya Lona, e thulanago le ye nngwe. Ge e le, ga ya swanela pampiri ye e ngwadilwego godimo

ga yona, e a fora. Modimo ga a fore. Modimo ke therešo, feela, yo mokgethwa, go wa go botega. Yena ke Modimo.

⁸³ Bjale, ge Abraham a hweditše lentšu le, gore “Ke nna El Shaddai. Ke nna Mofi wa Maatla wa gago! Mosadimogatša wa gago, popelo ya gagwe e šetše e omile, o mengwaga ye masomenne a fetile menophose, mmele wa gago o no ba gabotse bjalo ka mohu; eupša ke nna El Shaddai.” O nno tliša Ishmaele, le a tseba; eupša O rile, “Yoo ga se yena. Aowa, o tla ba monna yo mogolo. O ya go tswala bakgoma ba bantši kudu. Eupša yena yo Ke dirilego tshepišo ka yena, ke gare ga gago le Sarah.” Yeo ke yona! Amene. Abraham o ikwetše gabotse ka kgonthe.

⁸⁴ O rile, “Bjale Ke nyaka go go botša se sengwe, Abraham. Ke ya go fetola leina la gago.” O rile, “Ga o sa ya go bitšwa Abram, eupša Abraham.” *Abram* e ra “tate wa godimo—godimo.” Eupša *Abraham* e ra “tatago ditšhaba.” Gomme S-a-r-a-i ga e sa le; ke S-a-r-a-h, *Sarah*, “mohumagatšana.” O fetotše leina la bona! A le—le leina le le fetotšwego! Se sengwe se diregile gobane ba . . . Le a bona, go swanetše go ba phetogo pele dilo di direga. O be a sa kgone go ba fa ngwana ge feela leina la bona le sa le leo.

⁸⁵ Gomme o ka se tswalwe gape ge feela leina la gago le dula go tloga go Puku ya Legodimo. O ka no le bea godimo ga kereke ye nngwe le ye nngwe, Methodist, Baptist, Presbyterian, o le rwele go tloga lefelong go ya lefelong, go ngangana le bona bohole; eupša le swanetše go bewa go Puku ya Legodimo pele e ka ba eng e ka direga, gomme tlholo ye mpsha e ka kgona go tla. Pele bophelo bjo boswa bo ka tla, maina a bona a ile a swanela go fetolwa. O ka no swanela go fetola la gago, le wena, go tšwa go tše dingwe tša dipuku tše tša madirwa ke motho, go ya Dipukung tša Legodimo.

⁸⁶ “Gomme fao, leina la gago ga le sa le *Abram*, ‘tate yo godimo’; eupša ke *Abraham*, ‘tatago ditšhaba.’ Ga e sa le (*Sarah*), *Sarai*, eupša *Sarah*, ‘mohumagatšana.’”

⁸⁷ Oo, fa re tla bjale godimo bjale go tema ya 18. Go tloga go ya 17, a re yeng thwi go ya 18, gobane e no ba . . . Ga ke nyake go ya kgole kudu go tloga go yona bošegong bjo, go le swarelela mo, gobane ke le nyaka morago gosasa bošego. Bjale hlokome lang. Gomme re tla hwetša, feela ka pela ka mo re ka kgonago, go ya 22. Šetšang bjale. Ge go etla letšatši le lengwe ka ga, mohlomongwe, e re, matšatši a mabedi goba a mararo ka morago ga fao, Abraham le Sarah, ditente tša bona di beilwe.

⁸⁸ Tlasetlase ka go toropokgolo tlase fale, ke a eleletša Mdi. Loto o be a apere diroko tše mpsha tšohle tša setaele ba bilego le tšona tlase fale. Gomme o be a dira mekoto ya meriri yohle le se sengwe le se sengwe ba bilego le sona. O be a no phela manonganongo, gomme a na le barwedi bohole ba gagwe feela ka tsela ya go swana. Feela ka tsela ya go swana mme mmalegogwana wa kgale a dirilego lehono, le go dira bohole barwedi ba gagwe go dira selo sa go swana.

⁸⁹ Bjale, eupša Sarah, go le bjalo mosadi yo mobotsebotse kudu ka nageng yohle, o dutše godimo ga naga ya lehwafa, gobane o be a swareletše go yena yoo a bilego le tshepišo. Bjale bokaonana ke tloge thwi fa, gobane ke tla ya, ke tla ba . . . Ke tla le swarelela fa go fihla bosegogare. O swareletše go Abraham. Yeo ke nnete. O bile le tshepišo.

⁹⁰ Swarelela go Kriste, ke Yena yo a nago le tshepišo! Ke Yena Tshepišo. Ke Yena Tshepišo! Hlokamelang.

⁹¹ Letšatši le lengwe letšatši la tla godimo go fiša ka kgonthé mosong wo mongwe, Abraham o be a dutše ntle ka go moriti wa tente ya gagwe fale go mouuko. Gomme o lebeletše tlase, e swanetše go ba e bile e ka ba ka iri ya lesometee, gomme o bone monna ba bararo ba etla, ba sepelela godimo, lerole diaparong tša bona. Gomme Abraham a kitimela ntle. Fao go be go le selo se sengwe ka pelong ya gagwe se se mo dirilego gore a ikwele gabotse ka nnete, gomme a kitimela ntle gomme a wela fase maotong a bona. Gomme šetšang, o rile, "Morena wa ka!" A ga go makatše? Ba bararo ba bona; eupša "Morena wa ka"!

⁹² Lebelelang Loto. Ge ba babedi ba bona ba ile tlase kua, feela ba babedi ba bona, o rile, "Barena ba ka." Loto o ba biditše "barena." Abraham . . . Loto o biditše, ba babedi, "barena."

⁹³ Gomme Abraham o biditše, ba bararo ba bona, "Morena! Morena wa ka!" Amene! Oo, nako e batametše! Hlokamelang, o rile, "Morena wa ka, ge ke hweditše mogau mahlong a Gago, etla kgauswi, dula ka tlase ga mouuko. A nke ke tlise meetse a mannyane, gomme ke hlatswe maoto a Gago, gomme ke tseele rathana la borotho. Ka gore le ke lebaka le nnoši O tlidego kgauswi, go mpona." Ba sepeletše godimo.

⁹⁴ O ile ntle le go ya go kgabola bomorago bja tente, gomme o rile, "Sarah, duba bupi bjo bo itšego thwi ka pela, gomme dira dikuku tše di itšego godimo ga sebešo." O ile ntle le go tsea namane ye nnyane, gomme o bille le yona e bolailwe le go boiwa, le go dira digoba, le go tlisa potoro tsoko le maswi tsoko, le—le go e bea fase pele ga monna, gomme ba jele.

⁹⁵ Gomme yo Motee wa bona e be e le Modimo ka Boyena! Seo ke se Beibele e se boletšego. Bjale ge le nyaka go phegišana le Yona, eyang pele. O Mmiditše "Elohim, Modimo." O swanetše go tseba; o be a bolela le Yena. Hlokamelang, "Morena Modimo!" Bjale, yo Motee wa bona e be e le Modimo. Gomme a Mo lebelela. Abraham o le mogile. Bjale lebelelang kua.

⁹⁶ Modiredi o rile go nna nako ye nngwe, o rile, "Ngwanešu Branham, ga o re go mpotša gore o dumela seo, gore Monna yola e be e le Modimo?"

⁹⁷ Ke rile, "Abraham o rile O be a le. Bafetoledi bohole ba e fetoletše ka tsela ya go swana, tlhakakgolo M-o-r-e-n-a. Gomme yo mongwe le yo mongwe yo a balago Beibele o a tseba gore tlhakakgolo M-o-r-e-n-a ke Elohim. Go tšwa go lentšu le le

swanago, Elohim! ‘Mathomong, mathomong, Modimo o hlotše,’ Elohim, Ramaatlakamoka, Yena mobagona ka boyena, ‘o hlotše Magodimo le lefase.’ Yena šole gape, o eme thwi pele ga gagwe.”

O rile, “Gabotse, o a tseba,” o rile, “yoo—yoo e be e no ba motho.”

⁹⁸ Ke rile, “Kgonthe, O ja nama, O a ja, o nwa maswi, gomme O—gomme O—gomme O ja borotho.” Ke rile, “Kgonthe, O be a le Modimo.”

O rile, “Seo se ka kgona go ba bjang?”

Ke rile, “Morena, o—o . . .”

⁹⁹ Ke—ke a holofela ga ba gobatše maikutlo a lena; ba be ba le Hlatse ya Jehofa. Gomme o rile go nna, o rile, “Gabotse, Mna. Branham, lebelela fa, ke nyaka go go botša se sengwe. Modimo o be a ka se kgone go dira seo.”

¹⁰⁰ Ke rile, “O no se tsebe Modimo wa ka. Yeo ke phetho.” Ke rile, “Mmele wa motho o dirilwe ka eng? Peteroliamo, photaše, le seetša sa khosmiki, dielemente tše lesometshela. Selo se nnoši Modimo a ilego a swanelo go se dira go tla tlase le go nyakišša Sodoma, O rile . . . o nno obeletše godimo le Ikhweletše seetša sa khosmiki se se tlalago seatla le peteroliamo, gomme ‘Fše!’ O rile, ‘Etla mo, Gabariele, gatela ka mo.’ Yeo ke nnete. O obeleditše godimo gomme a tšeа lerole le lengwe la go tlala seatla, ‘Etla mo, Mikaele, gatela ka mo.’ Gomme a itirela le tee Yenamong.” O be a swanetše go emela se sengwe A bego a eya go ba ka matsatšing a mafelelo, kafao O tla thwi tlase le go bolela ka nameng ya motho. Nnete tlwa. Oo, ke thakgetše kudu gore O mohuta wola!

¹⁰¹ Letšatši le lengwe go ka no ba ebile go se selo se šetšego go nna. Ke dirilwe ka tšona dielemente tše lesometshela, le nna. Ke be ke kama meriri ye mebedi goba ye meraro ye ke nago le yona e šetšego, letšatši le lengwe. Mosadimogatša wa ka a ntbelela, gomme a re, “Billy, o ba le hlogo ya lefatla.”

Ke rile, “Hani, ga se ke lobe wo motee wa yona.”

A re, “O be o na le moriri wa dikhele.”

Ke rile, “Ya, eupša ga se ke lobe wo motee wa yona.”

O rile, “Ke a rapela mpotše moo e lego.”

¹⁰² Ke rile, “Gona, hani, o mpotša moo e tšwago gona pele ke e hwetša. Gomme e ka ba kae e bego e le gona pele ke e hwetša, e kua e ntetetše go tla go yona.”

¹⁰³ Amene! Letago! Beibele e rile, “Ga go moriri o tee wa hlogo ya gago o tla senyegago!” Haleluya! Yeo ke nnete tlwa. E be e se gona, efela e gona; gomme efela ga e gona, gona e gona. Kgonthe. Tlwa! Peteroliamo, seetša sa khosmiki, khalesiamo, photaše, le go ya pele. Modimo . . . Ge ke se selo, ga go selo seo le ka kgonago go se bona, feela melora, O tla bolela, haleluya, a fošetše photaše yela le peteroliamo mmogo, gomme ke tla phela gape ka

Bogoneng bja Gagwe. Haleluya! O re fa Bophelo bjo Bosafelego. Amene. "Bohle Tate a Mphilego, ga se gona se lahlegilego, gomme Ke tla mo tsoša gape mo matšatšing a mafelelo." Ke a e dumela! Bjalo ka Peu ya Abraham, ke lebelela letšatši leo! Ke nyaka Toropokgolo Yeo Moagi le Modiri wa yona e lego Modimo. Amene. Nnete. Ga go kgathale wo o šošobana bjang le go gogela kgole, gomme moriri o wela ntle, ga go kgathale go direga eng, Modimo o tla o tsoša gape, ka go bothakga bja boswa gape, ka letšatši leo la mafelelo. O tshepišitše gore O tla e dira, gomme ke lebeletše Toropokgolo yela! Amene. Oo, nna! Ke ikwela bodumedi kudu thwi bjale, go tseba, gomme kholofelo yela ya go šegofala e ntetetše Kua. Ke lebeletše Toropokgolo yela. Pelo ya ka e rethetha go E leba. Oo, ga go tsela e tee ke tla retologago, eupša go lebelela thwi go leba Lefelong leo. Modimo, nthuše go dula thwi fale, therešo le go botega, go lahlela ntle lešika la bophelo, mogohle, le go tliša moeti yo mongwe le yo mongwe a lapilego nka kgonago, go ya mmogo.

¹⁰⁴ Ee, ke bile le pono ya yona e se kgale botelele, gomme ke e bone, gomme ke bone baratwa ba ka fale, morago ba baswa gape. E fao. E gona. Ke a tseba e gona! Ee, mohlomphegi! Bjale, ka kgonagalo le e badile ka go *Segalontšu* sa Banna ba Kgwebo ba Bakriste, le dikgatišobaka tše dintši le dilo di e rwele. Bagwera, yeo e be e se pono. Ke bone dipono, ke a tseba, ke swanetše go tseba se di nago le sona, ka dikete tše masome tše A mphilego tšona. Eupša ye e be e se pono. Ke be ke le kua, ke eme thwi kua, ke lebeletše morago. Gomme ke a tseba e gona. E gona, bagwera, e gona! Ke a tseba e gona! Ee mohlomphegi! Feela ka kgonthé bjalo ka ge ke eme fa, kafao nthuše, ge eba ke ne monagano wa ka wa go loka le go ema fa ka phuluphithing ye, e gona! Modimo o dirile tshepišo ya Gagwe, gomme ke therešo, ke therešo kudu! Ee, mohlomphegi. E gona. Hlokamelang.

¹⁰⁵ Bjale re hwetša, monna yo o dutše fase gomme a ejá. Gomme ba babedi ba bona ba emeletše gomme ba ya tlase Sodoma. Yo motee o šetše le Abraham. A re šetšeng poledišano ya bona. Ba tšwetsepeli ba lebeletše go lebanya Sodoma. Gomme Abraham o tsebile go be go le se sengwe sa go tlaba gannyane ka seo. Kafao O rile, gona ge A loketše go tloga, O rile, "O nagana Ke swanetše go lobela Abraham; go beng gore o ya go ba tatago ditšhaba, Ke tseba ka fao a tla tlišago bana ba gagwe godimo, go ya pele; selo se Ke yago go se dira?" O rile, "Dibe tša Sodoma di tlie tša ba kotsi go fihla di šetše di tsene ka ditsebeng tša Gagwe." O tlie tlase go nyakišiša.

¹⁰⁶ Bjale elelwang, bjalo ka ge ke boletše bošego bjo bongwe, ba babedi ba batseta bale ba ile tlase ka Sodoma, gomme ba rerile go Basodoma bale; gomme ba ba foufaditše bošegong bjola, ka Lentšu. Eupša, elelwang, fao go be go le yo Motee; ba, ba be ba na le leswao la bona, Mosetsebje magareng ga bona.

¹⁰⁷ Lebelelang Loto. Loto a dutše kgorong, gomme o rile, “Barena ba ka.” Gomme a phela ka tsela ye bjalo! Ba rile, “Etla ka ntlong ya ka.” O rile, “Re tla robala mokgotheng.” A legae!

¹⁰⁸ Eupša ka pela ge Abraham; ba rile, “Wo ke morero wo re o ttelago. Re dula fase mo ka lehlakoreng la gago.”

¹⁰⁹ Yeo ke tsela. Phela bjalo, gore ge Modimo a ka nyaka go go šomiša, O tseba thwi moo a tlago go go hwetša. O ka leemong, o phela bophelo bjo bo hlwekilego pele ga Modimo, mantšu a gago ke a go botega, bophelo bja gago ke therešo. Leo ke mohuta wa lefelo leo Barongwa ba tlago. Lebelelang go—go Elisabetha le Sakaria, le a bona, go loka ga go botega, go sepela ka go Melao yohle ya Morena. Yeo ke tsela ye re nyakago go phela, kafao ge Modimo a lokela go re šomiša, O re, “Ba ke batho ba Ka. Nka kgona go dira ka kereke ye se Ke nyakago go se dira. Ba a Ntumela. Ba ema godimo ga Lentšu la Ka.” Le a bona, yeo ke tsela ye o nyakago go dira, go phela bophelo.

¹¹⁰ Bjale re hwetša gore Morongwa yo, O rile, “Ga Ke ye go lobela Abraham. Eupša Ke ya go go etela go ya ka nako ya bophelo.” Gomme, hlokamelang, Yena ga se a mmitša *Abram*, O mmiditše “Abraham.” O tsebile bjang gore leina lela le be le fetotšwe? O bile Yena yoo a le fetotšego. Kgonthe. Hlokamelang, ga se nke a bitša *Sarai*, le a tseba, S-a-r-a-i. S-a-r-a-h, “O kae mosadimogatša wa gago, Sarah?” O tsebile bjang o be a nyetše? O tsebile bjang gore o be a na le mosadimogatša, gomme leina la gagwe e be e le Sarah?

Gomme Abraham o rile, “O ka tenteng ka morago ga Gago.”
A mohumagadi wa kgonthe!

¹¹¹ Lehono, basadi ba mphiri kudu! Yo mongwe le yo mongwe... Monnamogatša wa bona ebile ga a kgone go bolela. Ba swanetše go kgomarela thwi ntłe kua, sekerete ka seatleng sa bona, para ya dišothi godimo, ba dira polelo yohle. Ka fao morafe wa batho wa go fapoga, o swanetše go ba moapei yo mogolo le mohlatswa lebotlelo, se sengwe le se sengwe gape! Ge a tlogela morala, o tlogela lefelo la gagwe la mošomo, thwi, bjalo ka mme.

¹¹² Bjale re hwetša, basadi gona ba šala morago le go itshwara bonabeng, ba dirile boka bahumagadi, hlogo ya bona ke yona e dirilego diphetho le dilo.

¹¹³ Gomme o leka go dira monna yo mongwe go botša mosadimogatša wa gagwe; o re, “Ke tla go fa o kwešiše thwi bjale!” Fše! Fše! A budula muši wola go tšwa molomong wa gagwe, a lebeletše bjalo, tebelelego ya go tšoša bjang. Ga se ka tsoge ka bona se sebjalo! Gomme o ka kgona go eleletša ntłe kua, gomme ema kua o šetša motho yola, hlatha moya wola ka kua, le tšona dilo; gomme mohlomongwe o opela ka khwaereng ka kerekeng tsoko. Oo, letšatši le le bjalo leo re phelago! Ga go

makatše re mo letšatšing leo! Ke—ke a holofela le kgona go swara go kgabola methalo se ke se rago.

¹¹⁴ Hlokamelang, e be e le fao. Sarah o be a le ka tenteng, o dutše ka kua gomme a itshwara ka boyena. Abraham o be a thabiša Barongwa ba. Bjale, gomme O rile, “Ke ya go go etela.”

¹¹⁵ Gomme Sarah o be a theeditše. Gomme o segetše godimo ga letsogo la hempe ya gagwe, o rile, “Nna, mokgekolo, ke tšofetše bjalo ka ge ke le, gomme fale morena wa ka le yena o tšofetše, le go bolela gore re ya go ba le boipshino gape bjalo ka monnamogatša le mosadimogatša?” Gomme o segile.

¹¹⁶ Gomme Morongwa, ka mokokotlo wa Gagwe o furaletše, o rile, “Gobaneng Sarah a segile?”

¹¹⁷ Elelwang, leo e bile leswao la mafelelo leo Peu ya . . . goba Abraham ka boyena, e lego seswantšho sa Kereke, e bile leswao la mafelelo le a le amogetšego. Go tšwa go maswao a mangwe ohle ao a a amogetšego, leo e bile la mafelelo pele Sodoma e swieletšwe ntle. A ke nnete? Leswao la mafelelo!

¹¹⁸ Ge Israele, peu yeo e latetšego Abraham. Le Basamaria, e bego e le peu ya go fapoga ya motswako, ba Mo lebeletše, go le bjalo; ba rile, “Jakobo tate wa ren—a wa ren—a re file sediba se,” mosadi o boletše ka Sikara. Le a bona? “Tatawešu Jakobo, o—o fa sediba se go Josefa, morwa wa gagwe, gomme—gomme re nwele go tšwa go sona, gomme o nošitše dikamela tša gagwe. Gomme O re O na le meetse, sengwe go ya pele ka mokgwa woo?” Le a bona? Gomme leswao la mafelelo leo peu ya Israele, ya tlhago, e le amogetšego, e be e le mohuta wo o swanago wa leswao! Fše! A ga le kgone go e bona? Naganang motsotsotso!

¹¹⁹ Leswao la mafelelo leo Abraham ka kgwerano, leswao la mafelelo pele ga go ganwa ga kereke ye bolelo, le tshenygo ya gagwe, e be e le leswao la go bona dikgopolo ka dipelong le monagano, Modimo a bonagaditšwe ka nameng ya motho.

¹²⁰ Gomme leswao la mafelelo le Israele e le bonego pele e ripša, e be e le selo sa go swana. Gomme ba rile, “Ke Beletsebubu; mmolelelamahlatse.”

¹²¹ Bjale ke iri! Modimo, a nke se se nwelele ka gare! Bjale ke iri, yeo, Peu ya bogoši ya Abraham! A le a e hwetša? Modimo a bonagaditšwe ka nameng ya motho, a ba fa leswao la bona la mafelelo pele ga tshenyego ya ba bolelo le go tloga bjalo ka ge e dirile. Bja mafelelo! Bothakga bja mafelelo bja go kgeloga ga Loto! A nke seo se nwelele motsotsotso feelsa.

¹²² Abraham, ye tee; peu ya Abraham ya tlhago, ya bobedi; Peu ya bogoši ya Abraham, ya bararo.

¹²³ Šetšang, Molaetša ga o tšee le ba bolelo ntle fale. Ebile O ile go bona kae? O rometšwe go mapentecostal, bakgethiwa, bagogelwantle.

¹²⁴ Gomme bjalo ka ge Israele e dirile nako yela, masomesenyane....Lebelelang ke ba bakae, lebelelang ke Baisraele ba bakae ba O amogetšego. Ge nako e etla go bona go ya godimo kua, go be go le lekgolo le masomepedi go tšwa go e ka ba milione tše nne.

¹²⁵ Bjale šetšang Peu ya bogoši. Le a bona, e swanetše go tla makga a mararo ao, le a bona, mogohle o tšeago. Batho ba Hama, Seme, le batho ba Jafete. Peu ya bogoši ya Abraham! Abraham šole; peu ya tlhago; Peu ya bogoši. Se sengwe le se sengwe! Peu ya bogoši ke ka Kriste, ka...Re tla go tshepišo ya Abraham yeo Modimo a mo filego ka Kriste, Peu ya bogoši. Gomme ye ke Peu ya bogoši, Kereke ye ya Morena Jesu ye A e bušetšago ka matšatšing a mafelelo. Peu ya bogoši! Hlokamelang, o amogetše leswao lela! Gomme Peu ya bogoši ka Boyena o rile, ge A be a le mo, "Bjalo ka ge go bile ka matšatšing a Loto, go tla ba bjalo ka go tleng ga Morwa wa motho." Peu ya bogoši, Peu ya Abraham, e bileditšwe ntle; Loto le yena, wa ngwanaboo, yo bolelo, tlase ka Sodoma; gomme morago Bosodoma, lefase. Lehono, lefase; kereke lefase; le Peu ya bogoši. Tlwa, ba dutše madulong le se sengwe le se sengwe, feela tlwa go ya ka lenaneo. Gomme Modimo, ka tshepišo ya Gagwe, o tlie thwi fase, a bonagatša selo sa go swana. Amene. Ge e se ya phethagala, ga ke tsebe se phethagalo e lego sona. Ke Lengwalo!

¹²⁶ Le bile le go bolela ka maleme, go bina ka Moya. Le bile le maikutlo a ohle le bilego le ona, le bone mehlolo ya phodišo, le—le ditulo tša bagolofadi, le go ya pele. Re bone tšohle tša tše. Eupša mo, šele leswao la mafelelo le šetše le tlie godimo bjale. Abraham o bone mehuta yohle ya dilo Modimo a mo diretšego mo tseleng, nnete, eupša mo go tla leswao la mafelelo, feela pele morwa wa tshepišo a etla. Gomme bjale Peu ya bogoši e lebeletše Morwa wa tshepišo. Haleluya! A re, a re lebeletše bakeng sa Morwa wa tshepišo? Morwa wa Modimo go bowa! Haleluya! Oo, seo se ntira ke ikwele boka go goelela. Lebelelang! Peu ya bogoši e lebeletše Morwa wa tshepišo. Bjalo ka ge Abraham a dirile tlase go kgabola mengwaga, a šeditše, a swareletše go Lentšu lela, Peu ya bogoši e bjalo. Gomme Peu e šeditše bakeng sa Morwa yo a tlago, go tla ga Morena, go kgabola tiišo ye tee, tiišo ya bobedi, tiišo ya boraro, go ya pele go tiišo ya bošupa, gomme mo re sa lebeletše Peu ya bogoši. Gomme re bona eng feela pele ga go Tla ga Morena? Go direga eng? Modimo o tla fase magareng ga rena, a bontšha Peu ya bogoši boka A dirile peu ya Abraham; le Abraham, le peu ya Abraham, gomme še E na le Peu ya bogoši. Modimo a dula magareng ga rena ka sebopego sa Moya wo Mokgethwa, a dira dilo tša go swana A di dirilego morago kua, a dira, a laetša gore go a swana.

Gomme go diphatišo tša saense go seswantšho, lefase le a tseba, lefase la rasaense le a tseba gore ke therešo.

Kereke e a tseba gore ke therešo, lefasepharephare.

¹²⁷ Gomme ke a dumela gore Peu ye nngwe le ye nngwe e kgethetšwegopele e kgaušwi le ka gare, mojako o kgaušwi le go tswalelwa, gomme kahlolo e lokela go ratha. Yeo ke nnete. Modimo ka mehla a ka se katane le motho. O tla dira se sengwe le se sengwe A kgonago. Eupša iri e a batamela, bagwera. Hlokomelang.

¹²⁸ Ke ya go le fa se sengwe go le thuša bjale. Elelwang, selo sa go latela se diregilego e bile eng bjale? Pele ba be ba ka kgona go amogela peu ya bogoši, fao go be go swanetše go ba mohlolo o direge go bobedi Abraham le Sarah, nameng, pele go be go ka ba peu ya bogoši . . . goba pele peu e be e ka tswalwa. “Bjale, mmele wa Abraham o be o no ba gabotse go swana le mohu,” Beibele e bolela seo. A ga e? “Gomme popelo ya Sarah e be e hwile,” Beibele e boletše bjalo. Bjale go be go swanetše go ba se sengwe sa nama se diregago pele peu ya bogoši e ka kgona go ba . . . peu e ka kgona go bonagala, morwa wa tshepišo. Pele morwa yola wa tshepišo a be a ka bonagala, go ile gwa swanelia go ba se sengwe sa nama se diregago ka mmeleng wa bona, pele ga go bonagala ga morwa wa tshepišo. Šetšang se A se dirilego. Ke ya go le fa se sengwe se sennyane.

¹²⁹ Bjale, go baleng Beibele, Ke Kanegelo ya lerato yeo Modimo a e ngwaletšego Kereke ya Gagwe. Ke Modimo. Modimo ke lerato. A le dumela seo? Gomme Beibele e ngwadilwe gore dirutegi le ditswerere di ka se tsoge tša E kwešiša. O swanetše go ratana le Modimo go E kwešiša. O swanetše go ba le Modimo ka go wena. O itlhatholla Yenamong go wena.

¹³⁰ Bjale, go no swana le ge ke na le mosadimogatša. Oo, ke mo rata bjang! Ke mo rata ka pelo ya ka yohle. Gomme ke tla ba mošwamawatle felotsoko gomme o tla . . . morago ga ge a dirile digotlane go robala, o tla nngwalela lengwalo, le go re, “Morategi Billy, ke dutše mo bošegong bjo, ke nagana ka wena. Ke a ngwala.” Le a bona, ke tseba se a se ngwalago godimo ga pampiri. Eupša ke a mo tseba le go mo rata kudu go fihla ke no tseba tlhago ya gagwe, ke tseba se a se rago, kafao ke kgona go bala gare ga methaladi. Le a bona?

¹³¹ Gomme Modimo o nyaka Kereke ya Gagwe go bala gare ga methaladi. E sego go bala e ka ba eng go tšwa go Yona bjale! Le swanetše go bala gare ga methaladi go bona se E se rago. Bjale šetšang gomme le bone, hwetšang ge eba ga Le dire.

¹³² Bjale, se Modimo a se dirilego ka Abraham le Sarah, O a ba bontšha, mohlala wa Kereke ya Gagwe. O ba diretše, O ba bušeditše morago go ba lesogana le mosadi. Nnete, O dirile, a ba bea morago baswa gape, go no swana le ge A eya go dira go Peu ye nngwe le ye nngwe ya Abraham. Ga go kgathale o tšofetše bjang le go robega, go ne letšatši le le tlago ge o tla ba yo moswa le go ba yo mobotse gape, yeo ke nnete, bothakga bja bophelo.

¹³³ Ke botšišitše ngaka e se kgale botelele, “Mpotše, mohlomphegi. Ge nako le nako ke eja, ke mpshafatša bophelo bja ka.”

O rile, “Ee, mohlomphegi, yeo ke nepagalo.”

¹³⁴ Ke rile, “Bjale, Modimo o boletše gore re ‘dirilwe go tšwa leroleng la lefase.’”

¹³⁵ O rile, “Yeo ke nnete. Merogo le nama le dilo tše o di jago ke lerole. Moo o hwetšago photaše ya gago le khalesiamo le dilo ka go divitaminé tša gago, gona o e tliša thwi ka ntle ga lefase. Gomme o dirilwe go tšwa leroleng la lefase.”

Ke rile, “Mmm. Bjale, Modimo o Le hlotše pele ka mokgwa woo.”

¹³⁶ O rile, “Ga ke tsebe selo ka seo, eupša” o rile “ke a tseba gore bjale o ja dijo gomme di aga mmele wa gago.”

¹³⁷ Ke rile, “Ke a go botšiša.” Ke rile, “Gona o mpotšiša ka tswalo ya kgarebe?”

O rile, “Ee, mohlomphegi, ke a dira.”

¹³⁸ Ke rile, “Ke tla rata go go botšiša se sengwe, ngaka. Ntlhalošetše se.”

¹³⁹ O rile, “Gabotse, e ka ba eng e ka se netefatšwe ka sesaense ga se ya nepagala.”

¹⁴⁰ Ke rile, “Ke tla tšeа lehlakore la go fapana, gore e ka ba eng e netefaditšwego ka sesaense ga e bjalo, ga go selo go yona.” Gomme ke rile, “Dilo di nnoši tša kgonthé tše di lego ka bophelong ke dilo tše di sa kgonego go netefatšwa ka sesaense: lerato, thabo, khutšo, pelofalo, boleta, kgotlelelo, tumelo. A e netefaditšwe ka saense go nna? Efela ke kgonthé! Modimo, Moya wo Mokgethwa, Barongwa!” Amene! “Tumelo e dira dilo tšeо. Se sengwe le se sengwe o se bonago se tšwa lefaseng, se tšwa go mme lefase, se ya morago ka tsela ya go swana.” Ke rile, “Ke nyaka go go botšiša se sengwe. Ge ke be ke le bogolo bja mengwaga ye lesometshela, ke jele dijo tša go swana ke di jago gonabjale. Ke jele dinawa, matapola, le borotho, le nama. Gomme nako ye nngwe le ye nngwe ke jele, ke bile yo mogolwane le go tia.”

O rile, “Kgonthe, o be o mpshafatša bophelo bja gago.”

¹⁴¹ Ke rile, “Gobaneng go le, morago ga ge ke fetile e ka ba mengwaga ye masomepedi pedi bogolo, e ka ba mang gape, ga go kgathale o ja bontši gakaakang, o a fokola le go tšofala? Nagana ka yona.” Ke rile, “Ke na le jeke ya meetse mo, gomme ke na le galase; gomme ka thoma go tšhollela meetse go tšwa go jeke ye kgolo ye ya go tlala ka galaseng ye, gomme e thoma go tlala go fihla e eba tselaseripa go tlala; gomme ka gona ntle le e ka ba eng tlase mo le gatee, bontši ge ke tšhela ka gare, bokgojana e ya go theoga. Ga go kgathale ke ja bontši gakaakang, gabotse

gakaakang; ke ja bokaonana bjale go phala ke be le, makga a lekgolo bokaonana.”

¹⁴² Ke tseba se e bego e le sona go hlahunna godimo ga matlalo a nama bošego bjohle, le go ja borotho bja lehea bakeng sa difihlolo tsoko ka kgotlaomone ya mabele, le selo sa go swana bakeng sa matena le selalelo, gape. Ke tseba se e bego e le go phela ka bothata, gomme bjale ke kgona go ja bokaonana. Lebogang Morena. Eupša ga go kgathale ke ja bontši gakaakang, ke sa fokola le go tšofala. Gomme mafelelong ke tla oma le go hwa. Gobaneng? Gobaneng? Ke peelano Modimo a e dirilego. Yeo ke nnete. Ee, mohlomphegi.

¹⁴³ Gomme hlokamelang Abraham le Sarah, ba ile morago go e ka ba masomepedi pedi goba masomepedi tlhano a mengwaga bogolo.

¹⁴⁴ Oo, o re, “Ditšiebadimo, Ngwanešu Branham!” Go lokile, bjale dulang go iketla motsotso feela, a re no balang magareng ga methaladi gatee.

¹⁴⁵ Ka pela ka morago ga ge Barongwa bale ba tlogile, gomme Sodoma ya tshunngwe, Abraham le Sarah ba tšere leeto le letelele go theogela Gerare. Leo ka nnete ke leeto go banyalani ba kgale. E ele godimo ga mmepe wa gago. Ba ile tlase Gerare. Gomme Sarah šo bjale, koko, bogolo bja mengwaga ye masomesenyane, ponete ye nnyane ya letšatši, a roromela. Gomme Abraham ka maledu a gagwe a matelele a lekeletše fase. Beibebe e rile, “Bobedi ba be ba gwahlafaditše kudu ka botšofadi.” Le se ke la leka gore ba phetše boteletšana. Gomme Beibebe e rile, “Mebele ya bona bobedi e be e hwile, e gwahlafaditše ke botšofadi.” Gomme šeba ba ya tlase Gerare. Gomme go na le kgoši ye mpsha tlase kua e bitšwago Abimeleke, gomme o be a nyaka moratiwa, gomme ge a bone Sarah a ratana le yena. A yeo ke nnete? Koko?

¹⁴⁶ “Gobaneng, ke wena kudukudu!” Abraham o rile, “O yo mobotse go lebelwelwa.” Amene. “Ke a go rapela, mmotše gore o kgaetsedi wa ka—wa ka.” Haleluya! O be a bontšha fale se A bego a eya go se dira bakeng sa Peu yohle ya Abraham. Sarah o be a le botse. Abraham o be a le yo moswa. Ke kgona go kwa Abraham a re, “Sarah, morategi, o a tseba eng, bopududu bo tloga go moriri wa gago.”

¹⁴⁷ “Abraham, lehutla le tloga mokokotlong wa gago. O a otlollogela godimo.” Ba boetše morago go lesogana le kgarebe. Modimo, a bontšha! Oo, nna!

¹⁴⁸ Gomme Abimeleke o mo ratile, gomme a ya a mo tšea, a ka be a mo nyetše. Ke kgona go mmona a hlapa, gomme a robala fase a apere dipitšama tša gagwe, gomme a hloma menwana ya gagwe godimo, morago ga ge a boletše dithapelo tša gagwe, gomme o rile, “Gosasa ke nyala yola yo mobotse wa lekgolo la mengwaga

bogolo”? Bogaswi! “Mosetsana yola yo mobotse wa Mohebere! Oo, ngwanaboo, moisa yola yo moswa! Gomme o botse bjang!”

¹⁴⁹ Gomme Modimo a tšwelela go yena torong, gomme a re, “O no ba gabotse bjalo ka monna wa go hwa.”

O rile, “Morena, gobaneng seo se le?”

O rile, “Yoo ke mosadimogatša wa monna.”

¹⁵⁰ O rile, “O tsebile botshepegi bja pelo ya ka, Morena. O rile, ‘Yoo ke ngwanešu wa ka.’ Gomme o rile, ‘Ke kgaetšedi wa ka.’”

¹⁵¹ O rile, “Ee, Ke tseba botshepegi bja pelo ya gago, Ke ka baka leo ke go thibetšego go dira sebe kgahlanong le Nna.” Eupša theetša! “Eupša o gabotsebjalo ka mohu, gomme setšhaba sa gago ka moka se ile. Monnamogatša wa gagwe ke moprofeta wa Ka. Ga Ke kgathale gore o yo mokgethwa bjang, o rapela gakaakang, Nka se kwe dithapelo tša gago. Eupša monnamogatšawa gagwe ke moprofeta! Eya, gomme o tšeeli mosadimogatša wa gagwe morago gomme o mo dumelele a go rapelele. Ge o sa dire, o tla hwa.” Haleluya!

¹⁵² E be e le eng? Modimo a bea Sarah le Abraham komana go amogela morwa wa tshepišo. Go bontšha gore selo sa go latela ka morago ga ponagalo ya Morongwa yo wa Modimo, Moya wo Mokgethwa o bontšha leswao la Gagwe la mafelelo, selo sa go latela, se sa go hwa se tše go se hwe gomme re ubulelwaa godimo ka sebakabakeng go gahlanetša Morwa wa tshepišo, Peu ya bogoši ya Abraham. Letago go Modimo! Haleluya! “Gobane re tla fetolwa ka nakwana, ka go panya ga leihlo, gomme re tla ubulelwaa godimo mmogo go Mo gahlanetša sebakabakeng. Kafao re tla ba le Yena ka mehla, Morwa wa tshepišo.” Haleluya!

¹⁵³ Oo, ga ke ye go hwetša... Ke tla... Mohlomongwe gosasa bošego ke tla hwetša tema ya 22, le a bona.

¹⁵⁴ Oo, ke a e rata, a ga le? Ke thakgetše kudu, dilo tše tšohle! Beibele e nno tlala ka tše borala tše tša mogau. E no obeletša fase gomme o di tope, pshikološa lerole go tloga go tšona gomme o di lebelele. Yo mongwe le yo mongwe wa bona o emela Jesu Kriste, motho yo mongwe le yo mongwe, gobane ka go Yena go dutše botlalo bja Modimo. Ka go Yena, se sengwe le se sengwe se šupa go yena. Se sengwe le se sengwe go tšwa go Testamente ya Kgale se šupile sefapanong; gomme se ka go Testamente ye Mpsha, se šupa morago go sefapano. Yeo ke nnete. Yohle e fale. Oo!

Go šegofala go be setlemi sela sa go tlemaganya
Dipelo tša rena ka lerato la Bokriste;
Kopanelo ya menagano ya leloko
E swana le yela ya Godimo.

¹⁵⁵ Ke Mo rata bjang! Ke nyaka go Mmona bjang! Ka fao ke hlologelago le go letela wo wa kgale wa go itiwa, wa go tlapiriganywa, wa go robega pelo, mmele wa go phušulwa go fetolwa wo mongwe wa meso ye! Phalafala e tla lla gomme ba ba

hwetšego go Kriste ba tla tsoga. Re tla ubulelwa godimo le bona, go gahlanetša Morena sebakabakeng.

¹⁵⁶ Ka fao gore Rebeka o nošitše dikamela tšela mo go foleng ga mantšiboa. Eliasara ga se a mo hwetša mo mosong. Ga se a ke a mo hwetša ka nako ya sekgalela; o mo hweditše ka seetšeng sa mantšiboa. “Go tla ba Seetša ka nako ya mantšiboa!” Nnete! Fao ke mo a mo hweditšego. O širile sefahlego sa gagwe. O be a se na le hlogo; o be a eya hlogong ya gagwe. Amene. Mosadi, ke tlhago ya gagwe, ya mosadi, go ineela go monna. Gomme ke tlhago ya kereke go ineela go Kriste, go neela go thato ya Gagwe. E no ineela! Ga a ne go nagana ga gagwe mong; o tšea Lentšu la Gagwe, e sego la yo mongwe gape. Ge Efa a ka be a dirile seo, re ka be re se ra swanela go hwa; eupša o theeeditše go go fa mabaka. Eupša Monyalwa wa kgonthe wa Kriste o tšea Bohlogo bja Kriste, Lentšu, gomme feela o dumela Lentšu la Modimo. Yoo ke wa kgonthe, Monyalwa yo a bušeditšwego. Haleluya! Go nyakile go ba nako, bagwera, go thari go feta le nagana. Re mo nakong ya mantšiboa. Moya wo Mokgethwa o fa bošegong bjo. Ke a tseba ke se sennyane, sehlopha sa nthatana.

¹⁵⁷ O tla nagana, “Oo, ge se sengwe boka seo se ka direga, Modimo o tla se bonagatša godimo ka Roma, go dipišopo le go bomopapa. O tla tla go pišopo wa Methodist. O tla ya go seminar ya Baptist. O tla . . .” Ya, seo ke se o se naganago. Eupša ga se nke A e dira ka tsela yeo.

¹⁵⁸ O tla go ba dipelo tša go kokobela, bao ba Mo lebeletšego. Gomme šo Yena bošegong bjo, Moya wo Mokgethwa, Modimo, Morongwa wa go swana; fa pele ga borasaense, go netefatša, šole Yena le seswantšho sa Gagwe se tšerwe. George J. Lacy, hlogo ya ditokomane tša go gatiša menwana tša FBI, o rile, “Seetša se rathile lense.” O rile, “Mna. Branham, ke boletše makga a mantši gore e be e le saekolotši, gore o be o bala monagano wa batho bao. Eupša” o rile “leihlo la motšhene la khamera ye le ka se tsee saekolotši. Seetša se rathile lense. Se be se le fao!” Sesele Sona. Se sengwe sa tšona se lekeletše ka Washington, DC, se filwe tokelo ya khophi, “Sephedi se nnoši sa kagodimogatlhago se kilego sa ke sa tšewa senepe ka saense le go netefatšwa.”

¹⁵⁹ Gobaneng? Ge nka hwa bošegong bjo, ge nka se tsoge ka tsena phuluphithing ye gosasa bošego, mantšu a ka ke Therešo. Gobane, ga se mantšu a ka, ke a Gagwe. Ga se nke ka ke ka re “nnamong.” Ga se nna. Ga se ke kgone go dira selo. Ke nna motho boka wena, modiradibe a phološitšwego ka mogau. Eupša Modimo, ka go matšatši a a mafelelo, o tshepišitše dilo tše, gomme šedi tšona! Ke Lentšu. Ge e be e le nonwane, e ka no ba go fapano. Eupša ke Lentšu le netefatša Lentšu ka Lentšu, le tiišeditšwe, go kgabola Beibe. Le tiišeditšwe ke borasaense! Le tiišeditšwe ke Moya! Le tiišeditšwe ke kereke! Modimo magareng ga rena! Haleluya. Ke thabetše seo kudu. A ga la thaba, bošegong bja go feta, le eme le go dira go ema gola?

A go le dirile le ikwele go fapano? Ka mehla e tla dira, ge o emela Lentšu la Modimo. Emela Kriste! O se ke wa lewa ke dihlong ka lona.

A re rapeleng.

¹⁶⁰ A go na le yo a itšego ka fa bošegong bjo a ka ratago go phagamiša seatla sa gago feela bakeng sa nakwana bjale, le go re, “Ngwanešu Branham, nkgopole ka thapelong ya gago. Ke tla, ke hlogetše kudu go ba ye tee ya Dipeu tše o tsa Abraham. Ga—ga ke nyake go foša Legodimo. Rapela, Ngwanešu Branham. Ka mehla tlase ka pelong ya ka ke ikwetše boka go be go le se sengwe ke bego ke se obeletša. Ga se ka tsoge ka kgona go se hwetša. Nthapelele, Ngwanešu Branham, gore Modimo o tla mpha wona”? Modimo a le šegofatše. E nong go lebelela diatla, mogohle, di etla godimo.

¹⁶¹ Go reng ka bophagamong? Bjale, elelwang, Modimo o no ba yo mogolo ka bophagamong bjalo ka ge A le tlase mo.

¹⁶² A ka kgontho o hlokofetše, o a e ra? Phagamišetša seatla sa gago godimo. Modimo a go šegofatše. Ke no ba ke šeditše nakwana. E no tšwelangpele le rapela, tšwelangpele dihlogo tša lena di inamišitšwe.

¹⁶³ Modiradibe ka fa bošegong bjo o tla nyaka go phagamiša seatla sa bona, a re, “Nkgopole, Morena. Ga ke phagamiša seatla sa ka go moreri yola; ke phagamišetša seatla sa ka go Wena. Ka therešo ke a dumela gore O a phela lehono, gore ga se O tsoge wa hwa; gore ge O hwile, O tsogile gape, a ke re. Gomme O a phela go ya go ile, wa go swana maabane, lehono, le go ya go ile. Ke phagamišetša seatla sa ka go Wena, gobane ke a dumela O mo”? Phagamiša seatla sa gago, e re, “Nkgopole, Morena.” Nno tšwelangpele le rapela. Ebang le tumelo go Modimo.

Mokgelogi, gona? Modimo a go šegofatše. O bona diatla tša gago.

¹⁶⁴ Tate wa rena wa Legodimong, O bona diatla tšela. O tseba se se lego ka morago ga tšona. O rile, “Mobjadi o ile pele a bjala Peu. Tše dingwe di wetše thoko ga tsela, ga se di dire botse; tše dingwe di wetše godimo ga mobu wa lekgwara; tše dingwe godimo ga meetlwa; tše dingwe di ile ka go lekgolo le menagane.” Mobjadi o be a no ikarabela go gaša Peu. A nke Moya wo Mokgethwā o sware Peu yela feela bjale. Morena, re...Ke—ke a dumela, Morena, re...

¹⁶⁵ Ga go motho a tsebago O tla neng. Ga re tsebe seo. O rile, “Ebite le Barongwa ba ka se tsebe; ke feela Tate a nnoši.” Jesu o teleimile gore O be a sa tsebe. “Ke feela Tate a nnoši.”

¹⁶⁶ Bjale, Tate, ke a rapela gore ge go na le bale ka fa bao ba phagamišitšego diatla tša bona, ke a dumela ba be ba era seo. Go na le Sengwe ka morago ga bona, seo, Moya, woo o ba boditšego go phagamiša diatla tša bona, gomme ba se dirile. Ba hlokofetše.

Mohlomongwe le ke lekga la mathomo O kilego wa bolela le bona, gomme e ka no ba lekga la mafelelo. Mohlomongwe O boletše dinako tše dingwe, gomme ga se nke wa bolela gape. Ga ke tsebe. Eupša, Tate wa Legodimong, ke a rapela gore O tla fa phološo go yo mongwe le yo mongwe yoo a dumelago.

¹⁶⁷ A nke Leina la Gago le Lekgethwa le tlišwe ka tlhomphokgolo pele ga batho. A nke lerato la Gago le tšollelwé ka bophara ka pelong ye nngwe le ye nngwe ka Moya wo Mokgethwa. Šegofatša banešu badiredi ba, Morena. Monna yo bohlokwa fa yo a nago le, ka bogareng bja thulano, ba ntaleditše, go le bjalo. Šegofatša batho ba ba tsenetšego.

¹⁶⁸ Ga ke re go ba le manganga, ga ke re go ba yo a fapanego, Morena; e no ba therešo. Gomme seo ke selo se nnoši seo O tla se lemogago, ke therešo yeo e lego ka go motho, ka gore O Therešo. Ekwa bjale, Tate, ke a rapela. Ba fe bošegong bjo gore bontši bja bona fa, gore mohlomongwe ga se ba phagamiša diatla tša bona, ba tla phološwa, go le bjalo. E fe, Leineng la Jesu. Amene.

¹⁶⁹ Bjale ge re dutše ka tlhomphokgolo feela nakwana. Ke a dumela re no ba thari gannyane go ba le mothalo wa thapelo, eupša re tla ba le ona. Motho yo mongwe le yo mongwe, ge o... wena, ge o na le karata, o swara karata ya gago. Ge o se na le karata, o hwetša e tee. Re... Ge re swanetše go dula fa matšatši a mahlano go tlaleletša, re ya go rapelela yo mongwe le yo mongwe wa bona. Yeo ke nnete.

¹⁷⁰ Ke no leka go fihliša Molaetša go batho. Ke leka go le dira le bone kgwekgwe... Ge le fodišwa; mohlomongwe, ge o phela botelele go lekanelo, o tla babja gape nako ye nngwe. Eupša ge o ka tsoge wa phološwa, o ne Bophelo bjo Bosafelego. Le a bona? O ka kgona go fodišwa, le go ya pele ka tsela ya gago le go lahlegelwa ke phološo ya gago... o ka kgona go loba bophelo bja gago, a ke re; eupša ge o pholosítšwe, o na le Bophelo bjo Bosafelego gona, go se tsoge wa babja.

¹⁷¹ Ke a makala ge eba le kwešišitše bošegong bjo se ke bego ke bolela ka sona, gore Modimo o tšweletše go Abraham le Sarah fale, le go ba fa leswao la mafelelo, Morongwa yola, yoo pele ga tshenyego tlidego gomme morwa wa tshepišo o filwe. Go Kereke, ke, leswao lela, e be e le Morwa yo a tlago. Go lefase, e be e le tshenyego. Bjale, se A se diretšego Abraham le bona e be e le mehlala.

¹⁷² Jesu o tlide lefaseng, Peu ya bogoši ya Abraham, gomme o dirile leswao la go swana. Ke ba bakae ba tsebago seo go ba bjalo, e reng "Amene." [Phuthego e re, "Amene." —Mor.] Kgonthe. Gomme ba le ganne. A yeo ke nnete?

¹⁷³ Bjale, Yena ga se a ke a dira seo go Bantle, gobane Peu ya bogoši e be e se ya ya ntle, Kereke e be e sešo ya tswalwa. Eupša ge Kereke e tswetšwe, gomme bjale e bile le mengwaga ye dikete tše pedi, feela go... Elelwang, yeo e bile mo go tswaleleng ga go

leta ga Abraham. Yeo e be e le go tswalela bja peu ya tlhago go letile Mesia, gobane Mesia o be a le fao.

¹⁷⁴ Ye ke bokgauswi bja Peu ya bogoši e letile. O fa, go tšwelela ga Kriste. A le kile la leka go aroganya... Go ne lefelo ka Beibeleng, le a tseba, ga ke ne nako go ya ka go yona, o re "go tšwelela ga Kriste," ka gona le "go Tla ga Kriste." Tšeо ke dilo tše pedi tša go fapano, gohlegohle, "go tšwelela" le go "Tla." O a tšwelela bjale, a šoma le rena ka sebopego sa Moya wo Mokgethwa, a e dira feela go phethagala, Kereke. E swanetše.

¹⁷⁵ Go swana le ge o na le tšelete ya tolara ka potleng ya gago, e ntšhetše ntle gomme o lebelele. Ka lehlakoreng le tee ke setswalelo sa Amerika; ka lehlakoreng le lengwe ke setswalelo sa Egepeta, phiramiti le leswikahlogo godimodimo ka godimo ga yona, boka leihlo le lebeletše. Gomme gobaneng tolara ya Amerika e ka bea ka tlase fale, "Setswalelo se segolo"? Go bonala o ka re setswalelo sa Amerika e tla ba setswalelo se segolo mo. Eupša Muušo wa United States o a se lemoga ge eba ba nyaka goba aowa, setswalelo se segolo.

¹⁷⁶ Šetsang phiramiti yela ge e tsea sebopego, Kereke. Tokafatšo, tlhwekišo, kolobetšo ya Moya wo Mokgethwa, gomme ka gona e swanetše go sesefalela ntle go ge... Letlapahlogo ga se la ke la tsoge la tla go phiramiti, Le ile la ganwa, go no swana le Letlapasekhutlo. Bjale, eupša ge Letlapahlogo lela le etla... Ke bile go phiramiti; e no ba go lekanelo ka go phethagala kudu, o ka se kgone go sepediša bogale bja legare gare ga yona, moo leraga le lego gona. Gomme ge Kereke e etla, yeo ke... Ge Kriste a etla go amogela Kereke ya Gagwe, Kereke e tla ba le bodiredi feela tlwa ka mokgwa woo, gomme ka mogau wola o tla phagamiša selo ka moka, morago ya ya. Go tla ga Letlapahlogo; go goelela, "Mogau, go Morena!"

¹⁷⁷ Ke na le se sengwe ka monaganong wa ka. Haleluya! Modimo wa rena e sa le Modimo. O utolla diphiri tša Gagwe go bahlanka ba Gagwe. Ke boletše ka Morongwa yo a retolletšego mokokotlo wa Gagwe tenteng, gomme o bile le mokokotlo wa Gagwe o furaletše tente, gomme o boletše se Sarah a bego a nagana ka sona ka gare. Ke akanyetšapele gore Morongwa yola o fa bjale, Moya wo Mokgethwa, Pilara ya Mollo ya go swana, Yena wa go swana yoo a bilego ka go Kriste. Pilara ya Mollo e etilepele bana ba Israele. Pilara ya Mollo e dirilwe nama le go dula magareng ga rena. O rile, "Ke tšwa go Modimo, ke ya go Modimo."

¹⁷⁸ Ka morago ga lehu la Gagwe, poloko, tsogo, thotogelo, O kopane le Saulo tseleng go theoga go ya Damaseko. Gomme Seetša sa mo rathela fase. Gomme a re, "Morena, Morena!"

¹⁷⁹ O rile, "Saulo, Saulo," pele. "Ke mang... O Ntlhomaretšeng?"

O rile, "Wena o Mang, Morena?"

O rile, "Ke nna Jesu." O ile morago!

¹⁸⁰ Šo Yena mo bošegong bjo, o kgonthiſitſwe ke Kereke ya Gagwe, ka sesaense le tſohle! Oo, bagwera, gobaneng re okobetſe? Gobaneng re dutſe re lepeletſe? A nke—a nke Modimo yo a boletſego Lentšu, a nke Modimo yo... Bjalo ka ge Elisa a boletſe, yo a tlilego morago ka karolo gabedi ya Eliya, o tatil kobo, gomme a re, “Modimo wa Eliya o kae?” A nke Modimo yo a ngwadilego Lentšu, a tiiſetſe Lentšu! Ge Le e le Lentšu la Gagwe, a nke A eme kgauswi le Lona! O tshepiſitſe go e dira. O tla e dira ge re ka e dumela.

¹⁸¹ Bjale a nke ka go hlaka ke dire se go tsebja. Ga se nna Motho yoo. Ke nna mohlanka wa Motho yoo. Gomme o yena, le wena, ge o le Peu ya Abraham.

¹⁸² Eupſa, nna ke rera Lentšu la Gagwe, gomme ke eme ka letſatſing moo kerekeleina ye nngwe le ye nngwe e nkannego, mekgatlo e nthakela ntle go tloga lefelong go ya lefelong. Gomme feela banešu ba bohlokwa ba ba lego ka go mekgatlo yela, ba ba bonago Seetſa, ba tla swarelala go Sona go sa kgathale se motſemoſate o se bolelago. Modimo a ſegofatſe banna boka bao. Modimo a ſegofatſe basadi le banna ba ba emego bošegong bja go feta. Nka kgona go le direla eng? Nkgopeleng se sengwe. Nkgopeleng ke dire eng, ke tla le direla e ka ba eng nka kgonago go le direla. Le batho ba Modimo. Monna goba mosadi e ka ba mang a tla dirago go ema ka mokgwa woo, ka gare ga thulano, ke na le ditlhompho go wena.

¹⁸³ Bjale ge Morongwa yola... Ka go Lentšu la Jesu Kriste le akanyeditſwepele, gore feela pele ga go tla ga Morwa wa motho, gore selo sa go swana seo se diregilego ka Sodoma se tla direga ka Kerekeng, go Mo dira go tla go lefelotiragalo.

¹⁸⁴ Ke tla retolla mokokotlo wa ka. O inamiša hlogo ya gago le go rapela. Nka se ke le ka mokgwa ofe go bolela se ge ke be ke sa ikwele go hlahlwa go se dira. Ke tla ba boſilo go direng setatamente se sebjalo. Eupſa, go dumeleng ka go Kriste Morwa wa Modimo, go dumela gore Yena ke Lentšu! Gomme Lentšu le dirwa kgonthe ka nameng ya rena, ge re tſea Lentšu, gobane ke tshepiſo ya Gagwe, “Ke tla ba ka go lena go fihla bofelong bja lefase, gomme mediro ye Ke e dirago le tla e dira le lena.”

¹⁸⁵ Ke retolotſe mokokotlo wa ka go batheeletſi, Tate wa Magodimong, bao ke ba reretſego, ka Molaeſta wo. Ke rapela Wena, Modimo, a nke go tsebje bošegong bjo gore O sa le Jesu Kriste Morwa wa Modimo, gomme O sa le Jehofa Modimo. O a swana maabane, lehono, le go ya go ile. Gomme e bile Wena fao a bolela le Abraham letſatſi lela ka tenteng. E bile Wena yo a kgonnego go hlatha se mosadi yola a bego a se nagana ka tenteng, gomme o mmoditſe. Gomme thwi nako yeo, yena a e ganne, O ka be o tſere bophelo bja gagwe, eupſa o be a le karolo ya Abraham, monyalwa wa gagwe. Morena, O ka be o tſere maphelo a rena, bakeng sa gosedumele ga rena, eupſa re karolo ya Kriste. O be

o ka se kgone go tsea, tsea Sarah ntle le go gobatša Abraham. Gomme O ka se kgone go tsea Kereke ka–ntle le go gobatša Kriste. Nthuše, Morena. Ga ke na le thuto. Ke no ba . . . Morena, ga ke na selo, eupša go no Go dumela. Gomme ke a dumela. E thuše, Morena.

¹⁸⁶ [Kgaetšedi o bolela ka maleme, kgaetšedi yo mongwe o a hlatholla—Mor.] Amene. A go lebogwe Modimo yo a phelago. Bjale, O gona. Ebang tlhomphokgolo, tlhompho.

¹⁸⁷ O ka kgora go phagamiša hlogo ya gago ge o kganyoga. Bjale e sego feela . . . Le a bona, Beibele e bolela gore go bolela ka maleme go no ikgodiša wenamong, ntle le ge go na le tlathollo. Gomme ge tlathollo, yeo ke seprofeto go Kereke. Gomme ka tsela ye ke kwešištšego tlathollo yela nako yela, e be e le go “Dumela Morena, gore ke Yena yo a rometšego Lentšu.” Gomme ka gona ga se nke ka tla ka leina la ka mong, ke tla ka Leina la Gagwe. Gomme mediro ya Gagwe O tla e dira ka nna nako yeo, ka go rera Lentšu la Gagwe le go tiišetša Lentšu la Gagwe. Ka kgonthe. Ke dumela seo. A le dumela go swana? Ke ba bakae ba e dumelago bjale, pele A . . . ? Modimo a le šegofatše. Bjale, yeo ke tsela go, yeo ke tsela. Bolokang selekane sela go lekelelana gomme le tla bona se sengwe se direga.

¹⁸⁸ Ke ya go retollela mokokotlo wa ka go batheeletši, gobane woo e be e le Moya wo Mokgethwa o no hlatsela go seo. Le a bona? Tia maatla le go dira eng. Bjale o dumela ntle fale ka go batheeletši, yo mongwe. Ga go motho yo nka kgonago go mmona . . . Ke ba bakae ntle fao ba babjago le go tlaíšwa, goba ba nago le yo mongwe yo a tlaíšegago, goba selo se sengwe se o se rapelelagos, gomme o a tseba ga ke tsebe selo ka sona, e no emišetša seatla sa gago godimo. Gabotse, ke a thanka ka kgonagalo e no ba mogohle. Gabotse, a re no dumelang bjale. O se ke, go se ke le yo motee a tloga, e no mpha . . . Ke—ke metsotsyo lesomepedi go fihla go lesome. Mpheng metsotsyo ye lesomepedi, a le tla? A go se be yo a šuthago. A go se be le yo a tlogago, le gatee. E no dulang go iketla ka kgonthe bjale. Feela nako e tee, bula pelo ya gago.

¹⁸⁹ [Ngwanešu o bolela ka maleme, ngwanešu yo mongwe o a hlatholla—Mor.] Amene. Ke a Go leboga, Morena, ke a Go leboga. Ka tlhomphokgolo re hlompha seo ka pelo ya rena yohle. Yeo ke mpho ka Kerekeng. E no ba ka thapelang, ka tlhomphokgolo.

¹⁹⁰ Elelwang, ba be ba eya ntweng nako ye nngwe, ba be ba sa tsebe mokgwa wa go kopana le ntwa ye kgolo ye. Dafida o be a eme kua, gomme a arogana le bona seripa sa nama le legapa la beine. Eupša Moya o ile wa wela godimo ga monna yo motee, gomme a profeta gomme a ba botša fao ba ka kopanago le lenaba, gomme go bile bjalo.

¹⁹¹ Re kopana le ntwa ye kgolo, ngwanešu. Gomme re eme ka ntweng ye kgolo thwi bjale. Moya o wele gomme, godimo ga

yo mongwe, gomme o le boditše feela se le ka se dirago, go “dumela.” O leka go tloša monagano wa lena go beng nna. Le a bona? Ba bangwe ba lena ba swanetše go be ba nagana gore ke Ngwanešu Branham a lekago go dira se sengwe. Ga se nna; ke Yena. Ke no... Mpho ke go no ineela wenamong, boka go ikgogela wenamong ka kereng. Go no swana le segodišantšu se, se bulele, se sengwe se swanetše go bolela ka sona. E no ba kere ye nnyane ye ke e buletšego, selo se sennyane. Moya wo Mokgethwa! Ga ke o bulele; O a o bulela. Gomme ka gona O a bolela; ga se nna. Bjale ebang le tlhomphokgolo gomme le dumele, yo mongwe le yo mongwe wa lena, gomme e nong go rapela.

¹⁹² Bjale, yo mongwe le yo mongwe o a tseba gore Beibele e boletše gore “Jesu Kriste thwi bjale ke Moprista yo Mogolo yo a kgonago go kgwathwa ke maikutlo a mefokolo ya rena.” Ge yeo e le nnete, a nke phuthego e re, “Amene.” [Phuthego e re “Amene!”—Mor.] A ke Yena Moprista yo Mogolo wa go swana? E reng, “Amene.” “[Amene!]” Ge A le Moprista yo Mogolo wa go swana, O tla dira ka tsela ya go swana. A yeo ke nnete? “[Amene!]” Amene. Bjale le tla dira eng?

¹⁹³ Bjale, go nkgwatha, go ka se dire phapano ye e itšego; ke nna motho. Eupša go Mo kgwatha, gona Yena ke Moya wo Mokgethwa woo o lego ka *fa*, gona O fetola morago le go šomiša dipounama tša motho. Ka gore, Yena ke Morara, rena re makala; Yena ga a enywe kenywa, Yena o no maatlafatša lekala.

¹⁹⁴ Seo, ke no retolla magetla a ka, gore le kgone go bona dilo tsela ke di boletšego.

¹⁹⁵ Bjale, badiredi ba mo sefaleng, ba a rapela. O ka kgona go ntebelela ge o nyaka go dira. Seo se lokile. Go no bona, o ka no tseba gore ba no... Gobane, wena o modiši, ke wena yo a dišago dinku tše. Kafao, feela gore le ke le tsebe. Gomme ke nyaka le nthapediše, baena. Gobane, le bona se ke se rago? Ke emetše yena Kriste yoo le mo hlankelago. Gomme ke nna ngwanabolena, modudi mmogo wa Mmušo, le lena baena. Gomme ke no ba fa...

¹⁹⁶ Le a bona, bjale, thwi bjale Lentšu le ke le rerilego, le a bona, Le bothateng. Gonabjale, go šitwa, ke seo Sathane a nyakago go se bona. Ke sohle a se lebeletšego. Eupša Modimo ga a palelwe. E no ba tlhomphokgolo.

¹⁹⁷ Bjale ka mokokotlo wa ka o furaletše, ke nyaka yo mongwe... A nke ke o retolle, ke tsela yohle go dikologa. A nke ke furalele karolo ye, pele, gomme morago ke tla tla godimo go karolo ye nngwe. Bjale yo mongwe morago ka tsela ye; go na le ba bantsi kudu, go swana le, ba a rapela. Morago ka tsela ye, yo mongwe o rapela morago mo bjale, yo a nyakago go dumela Modimo. E no dumela ka pelo ya gago yohle, morago ka mo felotsoko.

¹⁹⁸ Bjale, Tate wa Magodimong, ke—ke a Go leboga ka go melaetša yohle ya Gago, se sengwe le se sengwe O se dirilego.

Bjale nthuše, Morena. Ke nna—ke nna...ka tumelo, ke a Go dumela, Lentšu la Gago. Ke a dumela E be e le Moya wa Gago wo o mpileditšego go dira se. Bjale a nke go tsebje gore ke boletše Therešo. Ke pakile ka Wena, bjale paka, Morena, gore ke boletše Therešo. Ke e kgopela Leineng la Jesu. Amene.

[Kgaetšedi o bolela ka maleme—Mor.]

¹⁹⁹ Tate Modimo, re letile bakeng sa tlhathollo ya seo. O rile, ka Beibeleng, go tla ba “tlhatlamano ya boraro,” gomme yeo ke ya boraro. Bjale re—re rapela gore—gore O tla e dira go tsebja go yo mongwe yo a nago le tšona dimpho tša tlhathollo. Ke e tlogela go Wena, ka go la Kriste Leina.

[Ngwanešu o fa seprofeto—Mor.] Ke a Go leboga, Morena.

²⁰⁰ Bjale, seo e be e le seprofeto, e sego tlhathollo. Le a bona, o boletše go feta ka mo mosadi a dirilego. Fao go tlhathollo ye e tlago pele. Le a bona, monna yola e be e le moprofeta.

²⁰¹ [Ngwanešu o a hlatholla—Mor.] Amene. Ke a Go leboga, Morena.

Thwi ka morago ga ka...

²⁰² [Kgaetšedi o a rapela—Mor.] Modimo, efa tšhegofatšo go mosadi, a e llelago. E no ba...

²⁰³ Bjale e nong go ba tlhomphokgolo ka kgonthe bjale, le go e dumela ka pelo ya lena yohle. Bjale, ka Moya wo Mokgethwa, ke leka go tliša pele Lentšu le ke le rerilego, ka moo A hlatsetšego gore le tla tla go phethega. Bjale dumela ka pelo ya gago yohle.

²⁰⁴ Go na le yo mongwe o eme pele ga ka, yo a dutšego ka morago ga ka. Gomme ke mosadi. Gomme o tlaišega ka bothata bja pelo. Gomme o na le dialetši tše di mo tshwenyago. O no ba ka morago ga ka. Ge mosadi a se a ema go le bjalo... Batheeletsi ba lebeletše; ke na le mahlo a ka a tswaletswe. Gape o amega ka moratwa, yo a lego, monnamogatša wa gagwe yo a dutšego feela go tloga go yena; o golofetsé, o na le lehlotlo. Leina la mosadi ke Mdi. Brumley. Dumela ka pelo ya gago yohle. Emelela gomme o amoge se o se rapeletšego, gomme o tla hwetša se o se kgopetšego. Ema ka maoto a gago. A o godimo? [Phuthego e re, “Ee.”—Mor.]

²⁰⁵ Modimo a go šegofatše. Ga ke tsebe mosadi, ga se ka ke ka mmona ka bophelong bja ka. Re basetsebane yo motee go yo mongwe. Go na le... Bjale ba botšiše, eya o ba botšiše ge eba ke nnete. Bjale ge yoo e se Modimo wa go swana yoo a bilego tlase fale feela pele ga Sodoma, ga ke tsebe ke eng.

²⁰⁶ Yo mongwe gape ka go karolo ye dumela bjale ka pelo ya gago yohle. Morena Jesu. Go na le mosadi o dutše thwi ka morago ga ka. O na le kganyogo ya go teba. O rapelela se sengwe go Modimo go mo fa. Ke lesea, o a le rapelela. O thwi fa ka morago ga ka. Mdi. Holm, o a phagama le go dumela Morena Modimo. Gomme

ge o ka e dumela ka pelo ya gago yohle, o ka ba le lesea leo o le rapelelago.

²⁰⁷ Mosadi o tla ka gare, gomme o golofetše. O dutše ka go setulo sa bagolofadi. O ka morago ga ka. Ga a tšwe go karolo ye ya naga. O tšwa—o tšwa Sacramento, leboa la Sacramento. O be a babja kudu. Dingaka ga di kgone go mo thuša. O be a le ka sepetlele. O bile le dikaro tše mmalwa. O na le bothata bja pshio, bothata ka marapo a gagwe. O no ba a tšhogile, go fihla a no ba le ditlhakahlakano. Ke yo mobe kudu. Mdi. Beeler, fale, iša seatla sa gago godimo gomme o dumele gore Morena Jesu . . . gomme o dirwe . . . Modimo a go šegofatše.

²⁰⁸ O a dumela? Modimo o sa phela le go rena. Ge o e dumela ka pelo ya gago yohle!

²⁰⁹ Mosadi yo monnyane šo, ke mo lebeletše a dutše mo. O tlaišega ka bothata bja lelalegolo. Leina la gagwe, ga ke mo tsebe. Eupša a o a dumela gore Modimo a ka kgona go mpotša gore o mang, mohumagadi? Mdi. Berglund. O dumela ka pelo ya gago yohle, gomme o ka dirwa go fola. O a dumela.

²¹⁰ Mohumagadi šo o dutše thwi godimo mo, o rapelela mogwera yo a sa tšwago go ba le go tlhekgemana. O dumela ka pelo ya gago yohle, o ka kgona go ba le se o se kgopetšego.

²¹¹ Go na le mohumagadi o dutše fale a sotlega ka go opša ke hlogo. A o dumela ka pelo ya gago yohle? O ka kgona go dirwa go fola. O se ke wa e kamaka. E no dumela. Ge A se Modimo yo a swanago, ga ke tsebe gore Ke mang. O mo go—go, ge o ka e amogela le go e dumela.

²¹² [Kgaetšedi o bolela ka maleme, ngwanešu o a hlatholla—Mor.] Amene. Tumišang Morena.

²¹³ A ga le kgone go lemoga gore le ka Bogoneng bja Modimo? Le dira seo. Bjale ke nagana se re swanetšego go se dira gonabjale, ka morago ga ge Moya o be o bolela, “Etlang go Nna, Ntumeleng, batho ba Ka,” ke a nagana re swanetše go emela pitšo ya aletara thwi bjale, le go dumelela bao ba sa tsebego Kriste go tla godimo go dikologa aletara mo le go Mo amogela bjalo ka Mophološi wa gago. Ge o se wa amogela Moya wo Mokgethwa, o a tla, le wena, go amogela Moya wo Mokgethwa, gobane e no ba seo se yago go direga. A o ka se tle bjale ge re sa hwetša khote; yo mongwe o ya go etapele moopelo. Moya wo Mokgethwa o be o bolela. Modimo a go šegofatše, kgaetšedi. Yeo ke nnete. Yo mongwe gape gatela thwi ntle le mohumagadi fa. Etla thwi godimo ge o na le yeo . . . Modimo a go šegofatše, kgaetšedi. Ka Bogoneng, moo Beibele, Lentšu, tiišetšo, dimpho, se sengwe le se sengwe se šomago, a ga go makatše gonabjale? Etlang thwi godimo aletareng. Etlang fase go tšwa maphagamong. Lena ntle le Modimo, ntle le go tlatšwa ka Moya, etlang bjale ge re sa opela.

Jesu o feta ka tsela ye,
 Ka tsela ye, lehono;
 Jesu o feta ka tsela ye,
 O feta ka tsela ye lehono.

Jesu o feta ka tsela ye,

A le ka se tle bjale ge A sa feta, Moya wa Gagwe o sepela, o
 re, “Etlang”?

. . . lehono;
 Jesu o feta ka tsela ye,
 O feta ka tsela ye lehono.

²¹⁴ A le ka se tle ge A sa feta? Lebelelang se A se dirago magareng
 ga lena, go laetsa gore O a swana. Sepelelang ntle thwi, soulo ye
 nngwe le ye nngwe ye e sa Mo tsebego, e sego yatswalwa gape.
 A o ka se tle bjale go Mo nyaka? Elelwang, Moya wo Mokgethwa
 wa go swana o a le tseba.

. . . tsela lehono.

Jesu o feta ka tsela ye,
 Ka tsela ye, lehono;
 Oo, Jesu o feta ka tsela ye,
 O feta ka tsela ye lehono.

²¹⁵ Bjale a nke soulo ye nngwe le ye nngwe e tle bjale yeo e sa
 tsebego Modimo, yeo e se nago kgonthe ya boemo bja gago. Eta
 pele go theoga. O se ke—o se ke . . . O se ke wa ba le kgopolu ya
 bohlale ka yona, ngwanešu, kgaetšedi. O se ke wa dira seo. O ka
 no ba o dirile mohuta wo o itšego wa maikutlo. O ka no ba o bile
 le madi ka diatleng tša gago, ka sefahlegong sa gago, o ka no ba
 o bile le meroromelo, le go ya pele. Ga go selo kgahlanong le seo,
 bjale, seo se lokile. O ka no ba o boletše ka maleme, o ka no ba
 o binne ka Moya, gomme wa šala o sa lahlegile. Yeo ke nnete.
 E swanetše go ba Bophelo bjo bo tswetšwego ka go wena, bjo
 bo tšeago Lentšu le le go Le dira le phele leswa gape. Le a bona,
 Kriste ke Lentšu. Gomme ge o se na le tumelo le bjale go sepelela
 ka go Lentšu lela gomme wa Le umela, a o ka se tle bjale.

²¹⁶ Bjalo ka Kereke ya Modimo, ge Dietša tša mantšiboa di
 thoma go phadimela fase, gomme mo—mo mohlare o a butšwa;
 Modimo o rile O tla bušetša mohlare wola, mohlare wola wa
 go swana wa pentecostal, mohuta wa go swana wa Tumelo, se
 sengwe le se sengwe sa go swana seo ba bilego le sona, mohlare
 wola o tla bušetšwa gape; ntle le kerekeleina, ntle le e ka ba eng, o
 tla tla ka maatla a bonolo a Moya wo Mokgethwa, go ruta Beibebe
 feela tlwa ka tsela ye E e dirilego. Re tshepišitšwe yo motee ka
 matšatšing a mafelelo, le a tseba, go tla go bušetša Tumelo yeo.
 Kafao ke a dumela O fa bošegong bjo, ka sebopego sa Moya wo
 Mokgethwa. Etlang bjale, ge re opela gape, gore re be le nnete
 re e dirile.

²¹⁷ Bjale elelwang, ge moyo wo... Lena batho ba Pentecostal ka kgontha le dumela dimpho tša lena tša maleme le ditlhathollo! Ge o sa kgone go dumela se A se dirilego *mo*, gona dumela maleme a gago le tlhathollo, ya go go biletša aletareng. A yo mongwe le yo mongwe a tle. Ge o bona go šoma *mola*, go šoma *mo*, Modimo a šoma, gobaneng, ke Modimo! Go kaakang bontši, Lentšu šele fa le a Le tiišetša, le bolela gore Ke Therešo. Etla pele. Nako ye nngwe gape bjale, gomme o tle bjale.

Jesu o feta ka tsela ye,
Lehono, lehono;
Jesu o feta ka tsela ye,
O feta ka tsela ye lehono.

²¹⁸ Bjale a nke bao ba dumelago go Modimo, badiredi ba bakgethwa ka kgontha le—le bahlanka ba Kriste, ba tle, ba sepelela ntle, ge re opela gape bjale. Sepelelang godimo kgauswi le aletara, go dikologa ba mo. Gomme a re rape leng le bona, mmogo. Etlang pele. A le ka se tle fa? Nka se kgone go ba fihlelala, yo mongwe le yo mongwe, ka diatla tša ka. Ke nyaka le tle. Ba bangwe ba lena banešu ba go direla eyang tlase magareng ga bona tlase kua bjale, gore le kgone go ba kgwatha le go bea diatla tša lena godimo ga bona. Go lokile. Lena ba le tsebago Modimo, etlang, le sepelelang godimo go dikologa mo, ba bangwe ba lena basadi le basadi ba, lena banna le banna ba. Sepelelang godimo mo bjale. Ye ke—ke taelo ya Modimo. Sepelelang godimo bjale, lena batho. Yeo, yeo ke yona, yeo ke nako. Ba bangwe ba lena bomme ba bomodimo le ba bangwe ba lena banešu ba bomodimo, sepelelang godimo go dikologa fa bjale gore le kgone go bea diatla tša lena godimo ga bona, ka tiišetšo, go beeng diatla tša lena godimo ga bona gore ba tla amogela Moya wo Mokgethwa. Go lokile. Bjale, yeo ke yona. Yeo ke yona.

²¹⁹ Bjale, gobaneng le tlile? Ka baka la gore le a dumela. Le kgodišegile gore Modimo o magareng ga rena. O fa bošegong bjo. O fa a šoma ka maswao a magolo le matete.

²²⁰ Sepelelang thwi ka gare kgauswi, yo mongwe le yo mongwe. Sepelelang thwi ka gare gore batho ba kgone go ba le sekgoba se sentši. Sepelela thwi ka gare kgauswi. Go na le bontši bo tlago go theoga mekgoba, le a bona. E no sepelela ka gare kgauswi.

²²¹ Ke ba bakae ka go batheeletši ba amegago ka batho ba ba emego fa bjale, ka phološo ya disoulo tša bona, phagamišetša seatla sa gago godimo. Go lokile. A nke bohole mmogo bjale, re emišetšeng diatla tša rena go Modimo, gomme re kgopele thapelo.

²²² Tate wa rena wa Legodimong, re tliša go Wena bošegong bjo batheeletši ba, ka Moya wo Mokgethwa magareng ga rena, go ba gona bjale, go dira Lentšu la Gagwe go phela leswa gape. Tlatša pelo ye nngwe le ye nngwe, Morena. Etla ka maatla a Moya. E fe, Morena. Rakela ntle poifo ye nngwe le ye nngwe, diabolo yo

mongwe le yo mongwe. Sepelela ka gare ka maatla a Modimo,
gomme tseela disoulo tse godimo. Leineng la Jesu Kriste, ke ba
neela go Wena bakeng saletago la Gago.



JEHOFA-JIREH ² NST62-0706
(Jehovah-Jireh ²)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, Julae 6, 1962, ka Municipal Auditorium ka Grass Valley, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org